

南阜山人詩集類稿





第一編

南  
年  
山  
人  
詩  
集



高南楚先生遺照



Large, faint watermark characters, possibly reading '上海' (Shanghai), are overlaid on the right side of the page and partially over the portrait.



高南村先生遺像贊

髯之超逸稱絕倫威儀不啻中原麟曷為置君  
巖壑裏一屐一笠踏山水噫江湖藪澤魚鳥心  
鼎鐘往往思山林西亭况復尋詩路桐花石雨  
紛如注

桐山陳璐

海岳奇峰見袍笏襄陽疎雨想丰神此中呼得  
先生出不着鬚眉已有人  
戴笠支筇画面開竹梧位置聽人裁曾中別自  
藏正壑爭教毫端畫得來

詩裡真精識未曾漁洋一脉的傳燈蘇家坡老  
謝家傳正恐披圖喚不應

詞場老手果無雙一瓣名香意久降對此即堪  
供作佛鑄金浪費李才江

懷寧李勉

往季摘句老雕蟲天巧真看奪化工有節經秋  
憐竹粉白詩有節驚心入夜感桐風李詩桐風  
苦窮冠髯客疑坡老團扇詞人画放翁肯忘西  
亭舊泉石如今還自愛詩筒

海陵田雲鶴



高南村先生遺像贊

髯之超逸稱絕倫威儀不啻中原麟曷為置君  
巖壑裏一屐一笠踏山水噫江湖藪澤魚鳥心  
鼎鐘往往思山林西亭况復尋詩路桐花石雨  
紛如注

桐山陳璐

海岳竒峰見袍笏襄陽疎雨想丰神此中呼得  
先生出不着鬚眉已有人  
戴笠支筇画面開竹梧位置聽人裁曾中別自  
藏正堅爭教毫端畫得來

詩裡真精識未曾漁洋一脉的傳燈蘇家坡老  
謝家傳正恐披圖喚不應

詞場老手果無雙一瓣名香意久降對此即堪  
供作佛鑄金浪費李才江

懷寧李勉

往季摘句老雕蟲天巧真看奪化工有節經秋  
憐竹粉秋白詩有節驚心入夜感桐風李詩桐風  
苦窮冠髯客疑坡老團扇詞人画放翁肯忘西  
亭舊泉石如今還自愛詩筒

海陵田雲鶴



桐修修兮竹娑娑蕉陰陰兮石礧礧有書成城  
不扃不鑰有墨成池不風不波有人兀然髯鬚  
鬚而腹皤皤既戴笠而著屐復曳杖而吟哦逼  
而視之儼一咲而欲語若響答而互歌噫得非  
我故人高生世所稱劍南之南邨東海之東坡  
者乎

桐城張純

詩自戊子有訂藁前此爛紙久如敗蛸蓋自騎  
竹縛鷄以來已多儻語茫茫烟煤略無端緒顧  
影一咲有付之書燈酒火耳槩綜生平約舉四  
部類藁各編庶使林泉之響不雜鞅掌紀以年  
叙用驗功候亦令後之覽者按紀檢披行踪可  
繪尚其有觸緒紛來千載如揭澆酒向空呼高  
生而哀其志者乎雍正甲寅七月廿有四日海  
陵壩署自題



桐修修兮竹娑娑蕉陰陰兮石礧礧有書  
不扁不鑰有墨成池不風不波有人兀然  
鬢而腹皤皤既戴笠而著屐復曳杖而吟  
而視之儼一咲而欲語若響答而互歌噫  
我故人高生世所稱劍南之南邨東海之  
者乎

桐城張純

詩自戊子有訂藁前此爛紙久如敗蛸蓋自騎  
竹縛鷄以來已多儂語茫茫烟煤略無端緒顧  
影一咲有付之書燈酒火耳槩綜生平約舉四  
部類藁各編庶使林泉之響不雜鞅掌紀以年  
叙用驗功候亦今後之覽者按紀檢披行踪可  
繪尚其有觸緒紛來千載如揭澆酒向空呼高  
生而哀其志者乎雍正甲寅七月廿有四日海  
陵壩署自題





南阜山人詩集類藁

擊林集類之一

第一卷  
戊子起

高鳳翰敦

杖擊林木手弄流泉山中人寄托牢落別

有辛楚豈真欲老死木石鹿豕間哉束髮

以來棲跡蓬蒿下者幾四十年叩牛角擊

唾壺歲月茫茫蓋精力之消耗此中者十

八九矣

春來初見燕子

杏花初照水海燕乍依人拖逗東風裏

線春



南阜山人詩集類藁

擊林集類之一

第一卷  
戊子起

高鳳翰敬

杖擊林木手弄流泉  
山中人寄托牢落別  
有辛楚豈真欲老死  
木石鹿豕間哉束髮  
以來棲跡蓬蒿下者  
幾四十年叩牛角擊  
唾壺歲月茫茫蓋精  
力之消耗此中者十  
八九矣

春來初見燕子

杏花初照水  
海燕乍依人  
拖逗東風裏  
平消一線春



坐雨

寂歷輕寒向晚風撲簾細雨濕濛濛詩成自笑  
無些用清盞梅花祭放翁

池上

花影入清池影動魚驚起抱影不可吞蕩漾花  
光裏

齋中

溪上梅花舊種成一株移向小牕橫垂簾不放  
花魂去釀得寒香一夜清

糊窗

裁紙糊牕對竹籬竹陰榻上半橫枝更須小寫  
梅花影留伴霜天卧月時

寶刀篇贈李龍友

金英飛盡銅山裂吳王破國搜寒鐵三尺玉龍  
騰碧鱗寶刀千載吞鯨血吞血腥噴壯士手十  
年蟠玦懸孤肘渴虹飲月吐寒光匣底風生搏  
雷吼尋常不敢對人看一朝把向隴西友吾友  
肝膽真竒士霜花入手捲衣起提出秋空割碧  
雲怒電飛紅劈江水回頭却立倚胡床隻眼射  
天笑不已嗚呼哉秦庭擊柱荆卿死世有寶刀



坐雨

寂歷輕寒向晚風撲簾細雨濕濛濛  
無些用清盞梅花祭放翁

池上

花影入清池影動魚驚起抱影不可吞  
蕩漾花光裏

齊中

溪上梅花舊種成一株移向小牕橫  
垂簾不放花魂去釀得寒香一夜清

糊窗

裁紙糊牕對竹籬竹陰榻上半橫枝  
更須小寫梅花影留伴霜天卧月時

寶刀篇贈李龍友

金英飛盡銅山裂吳王破國搜寒鐵  
三尺玉龍騰碧鱗寶刀千載吞鯨血  
吞血腥噴壯士手十年蟠玦懸孤肘  
渴虹飲月吐寒光匣底風生搏雷吼  
尋常不敢對人看一朝把向隴西友  
吾友肝膽真奇士霜花入手捲衣起  
提出秋空割碧雲怒電飛紅劈江水  
回頭却立倚胡床噴天笑不已嗚呼  
哉秦庭擊柱荆卿死



空已矣

客去

客去把孤樽，偷然對踈竹。鳥靜下窺人，遠山青

可掬

秋水

秋水漲溪平，秋草沿溪曲。霜老荷葉殘，森森浸

寒玉。日暮野鷗來，踏破一溪綠。

二

秋水遠寒山，石翠平鋪冷。山上度人行，水中搖

鬢影

九日有感

又是重陽酒一尊，百年風雨老乾坤。傷心怕放

登高眼，獨對黃花不出門。

聞鶯

小閣踈簾雪紙屏，茶烟鑪火有餘清。矇矓初上

垂楊日，卧聽黃鸝第一聲。

贈觀潤和尚

和尚自廬山遊京師抵膠

久住匡廬意已闌，枯藤七尺下長安。鉢龍夜吼

天花雨，猶帶廬溝雪水寒。

師至連日大雪

借山亭歌



空已矣

客去

客去把孤樽  
脩然對踈竹  
鳥靜下窺人  
遠山青可掬

秋水

秋水漲溪平  
秋草沿溪曲  
霜老荷葉殘  
森森浸寒玉  
日暮野鷗來  
踏破一溪綠

二

秋水遶寒山  
石翠平鋪冷  
山上度人行  
水中搖鬢影

九日有感

又是重陽酒一尊  
百年風雨老乾坤  
傷心怕放登高眼  
獨對黃花不出門

聞鶯

小閣踈簾雪紙屏  
茶烟鑪火有餘清  
矇矓初上垂楊日  
卧聽黃鸝第一聲

贈觀潤和尚

和尚自廬山遊京師抵膠

久住匡廬意已闌  
枯藤七尺下長安  
鉢龍夜吼天花雨  
猶帶廬溝雪水寒

師至連日大雪

借山亭歌



山村有石田大河當其衝東西列石耳艾山有東西兩

峰號雙珠聯芙蓉石田不堪租租者不堪鋤石耳茫

蒼一望成平蕪奈何哉世有詩顛與酒狂居然

此地作山堂山堂何所有孤亭臨高臺登臺時

一望青眼向山開舉酒屬山靈譁然一笑傾千

栢山乎山乎自汝為山經幾載年年歲歲青不

改我欲借爾作比鄰笑問山靈誰主人山靈颯

然至向我前致詞為山良不易主人寔難之空

有城中多錢兒買山雜草炊肉糜主人但食山

田節主人但守山田券年年飽死老餅僮却擲

青山與人看吁嗟山靈為此語知我借山應不  
拒如椽大筆奮題名千古此亭吾與汝山靈別  
我向何處樹裏陰風吹白雨

庚寅 辛卯壬辰二年詩入湖海集

西亭

西亭春意好花草滿風烟坐處鬢常數行時綠  
可憐月微通鳥夢雨老長苔錢却笑平泉記勞  
勞費注箋

庭中芍藥數本花殘不能賞悼之以詩  
日向踈籬首幾迴空勞紅藥伴蒼苔可憐也具



山村有石田大河當其衝東西列石  
峰號雙珠聯芙蓉石田不堪租租者不堪

蒼一望成平蕪奈何哉世有詩顛與酒狂居然  
此地作山堂山堂何所有孤亭臨高臺登臺時  
一望青眼向山開舉酒屬山靈譁然一笑傾千  
栝山乎山乎自汝為山經幾載年年歲歲青不  
改我欲借爾作比鄰笑問山靈誰主人山靈颯  
然至向我前致詞為山良不易主人寔難之空  
有城中多錢兒買山雜草炊肉糜主人但食山  
田餽主人但守山田券年年飽死老餅餈却擲

青山與人看吁嗟山靈為此語知我借山應不  
拒如椽大筆奮題名千古此亭吾與汝山靈別  
我向何處樹裏陰風吹白雨

庚寅 辛卯壬辰二年詩入湖海集

西亭

西亭春意好花草滿風烟坐處鬚常數行時綠  
可憐月微通鳥夢雨老長苔錢却笑平泉記勞  
勞費注箋

庭中芍藥數本花殘不能賞悼之以

日向踈籬首幾迴空勞紅藥伴蒼苔可憐



傾城色不得沉香亭上開

二

嫁得書生誤却春年年邨酒奠花神也須自認  
文君命莫怪臨邛賣賦人

三

紅泥爛畫藥欄香芳讌何曾醉一觴只有多情  
雙淚眼送君片片莖斜陽

四

重幔誰張百尺絲荒籬烟雨自支持隔簾細數  
辭花瓣斷魂臨風欲墮時

五

月暈清宵浥露幽黃昏人坐晚香樓起者不敢  
驚花亭一任蘆簾下竹鈎

六

一斗邨醪詩一篇苦吟坐盡夕陽天問卿何似  
朱門裏日日金樽不解憐

家兄四十學詩喜其詩意致佳雨中成四  
絕句柬之

便爾學詩清復新由來同調倍情親從今但得  
花前句不向天涯更寄人



傾城色不得沉香亭上開

二

嫁得書生誤却春年年邨酒奠花神也須自認  
文君命莫怪臨邛賣賦人

西華三

紅泥爛盡藥欄香芳讌何曾醉一觴只有多情  
雙淚眼送君片片莖斜陽

四

重幔誰張百尺絲荒籬烟雨自支持隔簾細數  
辭花瓣斷魂臨風欲墮時

五

月暈清宵浥露幽黃昏人坐晚香樓起者不敢  
驚花夢一任蘆簾下竹鈎

六

一斗邨醪詩一篇苦吟坐盡夕陽天問鄉何似  
朱門裏日日金樽不解憐

家兄四十學詩喜其詩意致佳雨中成四  
絕句東之

便爾學詩清復新由來同調倍情親從今但得  
花前句不向天涯更寄人



二

風雨孤邛黯不開箇中詩思定滌洄懸知得句  
微吟處簾動應呼阿胖來余體肥凡每以此呼之

三

學語當時已綴詞余十許歲即達夫雖老未為

遲兄年四十與君更植南齋柳南齋池上舊有

人始學詩好續聯吟春草詩先君子與先叔父

四

吹簾苔色影青青客散分詩坐紙屏却恨從前

潦草過十年辜負竹西亭

齋中

小圃奚奴課種瓜荒籬坐盡晚天霞一枝折取

南牕竹間掃新苔待落花

又

野竹抽梢欲拂簷更從破處出山尖隔溪花暈

紅侵水當戶桐陰綠到簾

幽居

幽居城南村百竿種修竹雜以花藥欄草艸成

茅屋中有潦倒人散髮愜幽獨開門春草生閉

門春草綠杜陵彭澤詩時向樹根讀青青屋上



風雨孤邨黯不開箇中詩思定滌洄懸知得句  
微吟處簾動應呼阿胖來余體肥凡每以此呼之

三

學語當時已綴詞余十許歲即達夫雖老未為

遲兄年四十與君更植南齋柳南齋池上舊有

人始學詩好續聯吟春草詩先君子與先叔父

四

吹簾苔色影青青客散分詩坐紙屏却恨從前  
潦草過十年辜負竹西亭

齋中

小圃奚奴課種瓜荒籬坐盡晚天霞一枝折取  
南牕竹間掃新苔待落花

又

野竹抽梢欲拂簷更從破處出山尖隔溪花暈  
紅侵水當戶桐陰綠到簾

幽居

幽居城南村百竿種修竹雜以花藥欄草艸成  
茅屋中有潦倒人散髮愜幽獨開門春草生閉  
門春草綠杜陵彭澤詩時向樹根讀青青屋上



山復螺看不足

邨南珠山西  
峰皆出屋上

田家詩

田家好風日已過黃梅天對門開場圃綠樹鳴  
新蟬野老三數人科跣坐樹邊青蓑倚碌碡時  
復枕藉眠搖搖蒲葵扇太息說今年三春風雨  
時官家賦亦蠲隴頭新麥熟婦子飽糜饘大兒  
城中歸百錢割彘肩炊熟不敢食再拜田祖前  
餘亦及四鄰次第分柶糲三餐日過午少婦餉  
田間歸塗插野花赭汗紅雙頰提携小兒女跳  
躑嬌可憐我來當夕陰落日四山巔林端出樵

徑一髮明蜿蜒時見荷鋤人行歌驅犢還太平  
多盛事父老有餘惟何必訪武陵絕境求神仙

鋤園

夜來忽已醉兀兀不知醒晨起理荒園長歌破  
醪酲露華草色滋赤脚滑隄脰蒼涼日照顏淡  
宕西山影時見墻外人荷鋤露半頂

花下塵練鵲歌

有小引

時當春暮兒輩捕禽得一練鵲甚都畜  
之齋中不數日輒化去感斯鳥之昧機  
徒以文而見斃悄然興歎有禰生鸚鵡



之悲焉瘞之花下贈以長歌

練鵲練鵲尾何長阿誰羅取猷山堂山堂主人  
揖羽客棲以碧樹青琳琅翠絛作佩輕揚揚何  
以飼之黃花糧主人雖云好不如榆與枋我欲  
開籠解絛縱爾乘風歸去遊故鄉又恐鷹鷂滿  
天地網羅到處罹災傷練兮練兮爾胡不鼓爾  
翼引爾吭雄飛萬里凌蒼蒼爾胡不墮爾羽毛  
棄文章空山夜月伴寒霜爾乃卑棲棘枳頑逐  
螳螂顛到齟齬兒童手文采雖好徒昂藏練聞  
此語重徬徨不鳴不食意蒼涼曉起看練練已

亡魂返丹穴隨鳳凰形神既已離留此雪衣裳  
摩挲不忍委蝼蟻為壘黃土画欄旁桐葉棺竹

枝林青蠅吊客百花漿杜鵑啼花巷斷腸百本

新紅種海棠南齋魚塚久荒涼

余往時曾瘞魂  
金魚于南齋

兮歸來好相將主人清夢遠池塘煙宵月夜相

頡頏看魚潑刺君翱翔

練塵歌

向高靈練鵲之美在尾既死而瘞瘞而截取其

尾以代談塵贈以歌

我聞昔日禰生賦鸚鵡翠衿已化千年土又聞



焦山之麓瘞鶴銘人間不見胎禽羽西亭主人  
歌白練長尾如雪留隻股主人手綴珊瑚枝挿  
向高齋作練麈練麈練麈誰把取西亭之客無  
俗伍談莊說惠鈔吞吐指揮欲下天花雨東山  
月上夜三五支頤時向風前挂銀蟾素女弄清  
輝併作寒光百道舞此時有酒傾一石更分五  
斗澆練所人生亦有涯歲月邛堪數轉眼成百  
年茫茫同朽腐嗟乎哉鳳毛麟角獨流傳文字  
浮名常終古但使異日追昔人作銘作賦爭詡  
詡焦山遺碣鸚鵡洲此歌此麈吾與汝

夜鼠上深堂

夜鼠上深堂轉闔聲喞喞及罌盎衆響知  
跳躑倏然嚙箱滕哀聲聞裂帛緣琴柱迸絃登  
案檠竭澤拊牀時一咄悄然亦窘迫旋復恣跳  
梁縱橫成絡繹夜深輾轉頻徒然勞太息世間  
此輩多置之不足責明月生虛窻照我華胥國

采采金銀花

采采金銀花譬彼東籬菊香清常自幽空名不  
諧俗長鬢繞指滑日暮始盈掬持歸欲贈誰浩  
歌空躑躅



金銀花代茗飲歌

東籬種花苓絲長老翁鬢白金釵黃翠藤碧葉  
交飛揚客來摘取供茶湯新泉燒活火綠玉截  
貧簞雜以松栢枝斷虬輪困琥珀肪瓦鐺石鼎  
羅山房餅筵隔座鏘琳琅蝦鬚魚眼細較量白  
磁甌子紅芽薑綠塵金碾空重價茗戰不須旂  
與槍盧仝七椀叫欲狂君謨老公脾亦傷不如  
此花安且良山中松醪差足當松醪松醪美天  
漿子瞻作賦何堂堂列仙下飲騎鳳凰此花此  
茗并取將酒史客去對花坐舌本猶留十日香

送酒李霞裳老師兼乞花瓶磁斗三絕句  
衝寒沽酒霜林東霜林紅葉挿天紅此時對酒  
難獨飲合寄溪南賣菊翁

十年學唱杜陵詩拜得禪翁是本師欲向先生  
乞法鉢浣花白碗當軍持  
幽蘭舊種黃磁斗欲挿梅苓碧玉枝譬如高生  
與李叟兩家臭味總相宜

長歌行飲故人靳秋水感舊有引

秋水濟南章邱人善丹青往者先君子  
為淄川廣文時曾來署中與余起卧最



久余時方童稚而靳亦壯遊及今再過  
則面目鬢眉咸非故態執手惘然不啻  
滄桑隔世矣

荒村落日風蕭騷隔籬人語聞嘈嘈蒼茫起立  
問誰者濟南故人費山樵費山樵客丹青手半  
生老筆驅山走有時得酒氣尤豪一潑尋常墨  
數斗意昔先子在般陽淄川舊名般陽郡騎驢曾到首  
着堂堂中人去我讀画往往偷筆弄丹青彈指  
別來二十載君已成翁鬢有霜相逢怪我不相  
識持向風前長太息祇今照眼蒼鬢眉當時束

髮才如漆嗟乎哉君飄泊我昂藏碌碌三十尚  
亡羊君不見昔日鄴侯慷慨歌丈夫意氣悲嗟  
跼夜寒沽酒鴈聲多明月霜天奈爾何

雙韻短歌別靳秋水

君胡為者今夕來青鐙綠酒為君開君胡為者  
明日去挽斷征鞭畱不住君來君去總傷神不  
如悠悠行路人

野鷺

黃蘆下夕陽野塘秋水冷隔岼鷺銜魚側眼窺  
雲影荻花捲雪來海風吹斷梗驚起破青天殘



霞紅在領  
中夜婦病因入西亭作  
中宵聞婦呻起坐不能卧披衣開書堂落月漸  
西下清露泣梧枝晶瑩互低亞對此毛髮寒冰  
雪滿簾罅乃知好景多往往負良夜連宵醉味  
濃此事真吾過明日飽午眠永夕當露坐  
猶憶作此詩時用敗書紙以秃筆拾日間硯  
面殘墨就月光於中庭大石几上書之去今  
已十餘年瞑目迴想猶覺冰壺瑩然欲來濯  
人魄也

癸巳

甲午無以病戒作

讀渙洋集

再拜讀蚕尾

渙洋別集

焚香向玉樓曠懷絕想象妙

景入清幽澹宕春雲岫空明水月秋愛他羊叔  
子裘帶恁風流

二

日下桐陰屋湘簾靜不詳間從琅琊藁了此淡  
生涯暝色橫孤鳥虛簷卧斷霞此中欣有會一  
笑對瓶茶

小詩代東奉迓李霞裳老師過賞西亭木



香

苦憶杜陵老題詩寄草堂翩然乘野興騎馬到

山莊酒椀傾荷葉簷花散木香謝家兄弟好風

雅有諸郎

時約先生小阮潛庵及宋臣得臣兄弟同集

羅雀行

竹根泥迸筍抽芽高梧已老藤梢花夕陽野雀

紛庭樹翠衿丹羽凌紅霞紅霞沉樹暮烟紫翩

然來往烟光裏雙尾常拖白練飛欲下未下驚

復起機網誰家狡獪兒蟲餌巧設侔繒矢投身

一擲觸機翻啾啾鳥哭兒曹喜嗟乎哉胡為來

蕓家小圃梧花開支公愛鶴凌霄材爾胡不去

謝塵埃榆枋下捨死蒿萊嗟乎哉呼兒語莫向

春風殺毛羽紛紛世路坎壈多人生何處無網

羅

外聞人有畜黃鸝者戲為絕句

花外雕籠向曉開金衣公子眼相猜何如結個

垂楊屋每到春時儂自來

郡中李書升同學過訪山居賦贈

薄日下林莽尋詩倚暮寒故人何處至匹馬簇

征鞍暝色邨邊合花光竹外團入門具問訊握



手發清歡趨婦搜藏酒呼兒覓破冠野人安脫  
略粗糲足盤餐一笑披襟坐傾壺醉藥攔

李書升告別將發阻雨復成小飲

胡然颯風雨漠漠入窗陰細語窺梁燕孤拳立  
水禽簷聲侵竹碎花氣隔籬深醉拍聯牀膝狂  
披把臂襟七分粗糲飯詩共短長吟此夕淹留  
客經年別離心何當埽人跡十日坐滄霖

雨後河上送李書升旋里兼懷令弟月三

朝來送客大河陂風靜林梢雨霽時野水半塘  
雲西岼渭城一曲柳千絲閑鷗梳羽晴沙冷瘦

馬衝泥客路遲歸太好憑傳問訊懷人欲賦孔  
巢詩

五月九日喜晤王元裳月下快飲

久別當今夕離懷喜共論風流薄北阮元裳家出望族  
而貧落魄愛南邨冷艷花侵坐清宵月在尊不  
愁蟾影滅燒燭續黃昏

睡起

睡起庭軒清復清短蓑支處野雲生牕前草色  
詎無賴屋角桐陰亦有情竹檻鳥偷新曬藥石  
林花落未收秤枝枝活火黃泥銼酒椀茶鐺入



眼明

庸生墓

有引

自吾家河村西北去行七八里得漢儒

庸生墓庸生所謂從都尉朝受孔氏古

文尚書者也今其地猶稱硯里以庸生

濯硯泉得名也去墓而南數十弓荒隴

斷塹榛莽没人則生之廢祠在焉圯毀

以來已近百稔而邑中學士畧不少問

世人多忙其不暇為此久矣癸巳夏五

月余以事入麗氏邨道出墓下哀悼沉

淹遂述長句并歎斯人之陋無好古者

漢家遺塚庸生碣千年抔土餘殘垓我來徑行

古墓門下馬再拜淚嗚咽憶昔經術重漢庭漆

書石鼓真竒絕尚書魯僻蚪蚪文武皇諫議窮

搜挾古文尚書出孔安國安國堯典舜典互分

張孔氏尚書舜典分堯典後半商盤周誥亦掇

綴盤庚本一篇孔本分為三康再傳都尉得庸

生朝授尚書都尉命後半充之再傳都尉得庸

幾廢興蒼鼠移家穿古穴荒烟冷斷研池雲杜

鵑啼遍山花血救兒原上叱牛歸夜夜隴頭懸



漢月可憐此生千載人死去升沉尚明滅蒼茫  
叉手立斜暉仰天一歎天欲雪今海內出雲林  
庸生古道有引墓田南下為古道仄徑微茫隱野草  
中太此復數里則漢時計斤城古春秋  
介國也相傳有張司空墓司空交庸生  
善兩人往還以成此道至今有異徵焉  
霜露不能侵草萊不能沒甚矣古道之  
難行而不可廢也按庸生漢儒張公晉  
輔時不相及而野老云云又烏知非古

有心人詭為靈異以托不朽而此道得  
賴以至今存耶嗚呼世人耳目好怪厭  
常微此說則古道之亡久矣豈真草萊

不能沒也耶

漢代有碩人茲邨所托室我來拜其墳行出古  
道側道工荷耒翁向我長太息云是古庸生送  
客茲焉陟至今異跡留霜露不敢蝕哲人既去  
徂此道生荆棘惟茲農野人時復通稼穡我聞  
重徘徊拱立心惻惻荒唐或未然抑以神不測  
聊用砭愚頑耳食留雞肋日夕沙路明古道照



顏色

濯硯泉

有引

此泉是為庸生濯硯處硯里所由以得名也

名在西北距墓趾可三里許南與古道北界直

道而稍東土人棄之以資芻牧詢之幾無

知者矣

下馬庸生道來過濯硯泉墨香思漢代草色辨

今年詎以尋幽賞端為拜古賢到來生太息白

日淡長川

又

肅穆臨野水蒼茫落照間何年辭舊侶此日貯

荒烟月黑魂應到雲沉墨未乾蕭蕭蒲葉冷底

事亦情牽

又

荒涼乃如此吾輩真可憐古文讀尚書不識傳

經年緬懷濯硯人寒鐵於茲穿如何成棄擲蟲

豸恣留連啞草眠瀟瀟銜沙舞鮪鱸青龜坐蓮

葉高尻下垂顛岸上東樹花步屈矯蜿蜒奇字

劃鳥爪古籬盤蝸涎對此百感生再拜淚潺湲

行行日暮去瘦馬垂吟鞭







之奇與妙者願津津從人口中得之生  
而懸弧長而足迹不越閭閻埋頭半世  
何時作人間汗漫遊耶  
寶積香山舉洋舸出海中奇楠識鴨綠異彩見  
猩紅髮鬢蠻娘髮珊瑚鬼子弓每當望歸泊遠  
屋盡呼風  
孤客秦關外荒涼古北隘林藏虎徑仄風度蟒  
腥奇白日蝕枯草驚沙入斷陂危多心轉悖鄉  
泪不能垂

寄海棠城中友人代柬

小院間行處逸欄石逕斜臨風有所憶折寄海  
棠花捲幔飛紅雨侵簾卧絳霞膝前有嬌女好  
為挿雙了

真丈夫歌贈王將軍

有序

王將軍待公者以名家子來膠州為營  
曹部司官官甚卑殊不稱其志氣其為  
人慷慨磊落擘事明劃談說皆中理解  
類有見者固知其不以部司終也高子  
南阜與之交輒相善稱兄弟焉或疑其  
不類也是又不然大抵天下之物以形

袁石公有句云  
寧結有心賊勿  
交無意儒亦以  
其緩急足共事  
也



為類者庸人衆物也若夫玉出於石不  
與石類而類於金珠出於蚌不與蚌類  
而類於玉芝出於腐草敗木亦不與草  
木為類而類乎珠玉與金而為寶麟鳳  
龜龍禽獸蟲介之類也亦不類乎禽獸  
蟲介而各相類以為靈凡此皆非其類  
以為類者良以其氣吻神合不徒以形  
迹拘也今余之交王將軍亦念將軍才  
氣揮霍有丰骨胆略緩急足共事者雖  
各儒其服弁其冠亦何害於相類哉既

與定交遂賦長歌贈之而并為之序

凌人而者齟齬不相入悍夫小儒安足論丈夫

相傾惟意氣眼中乃有王將軍將軍故是名家

子烏衣望重鳴珂里束髮學劍不學書安用文

章驚鵲起二十未滿事戎行錦裘玉馬何堂堂

礪鵝千金劍梨峯百戰槍八年萊子國

三載蓋公鄉

我輩相飛揚興酣呼酒傾百斛將軍高歌我擊  
筑呵座常為灌夫罵憂時時作賈生哭慷慨相



者別有期肯向眼前悲蜀感嗚呼男兒生世間  
出處常百途自昔亡羊者博塞等讀書世人眼  
孔小芥粒紛紛妄意生別區賣漿屠狗亦吾徒  
但恐不是真丈夫百鍊鍊八平卷七國  
重復久病卧竹西亭足不窺戶者匝月一夕夢  
七十與友人李伊村遊荒山中意境清曠夢中  
時得小詩二十字洒然以醒而李適至病亦  
良已  
空山人境絕清梵來何許巖際下天風斷塏一  
鈴語

論詩四章贈李龍友

君才良不易縱橫果無倫筆欲挾風雨思真動  
鬼神飄零孤劍老詞賦客囊新珍重讀書事良  
師是古人  
坐盡西亭晚論文共草堂拈花得妙諦弄水識  
真香露下流螢樹風吹語燕梁此中饒詩思筆  
墨莫荒唐  
豈有驚人句眼前拾得多綠吟間草色秋寫淡  
雲河流水空山意陽春白雪歌可曾着一字風  
味竟如何



本色須難到伐毛洗髓餘春風懷揚柳初日見  
芙蓉脫手千鈞弩佞頭一卷書與君嘗冷暖者  
取水中魚

祖洲神芝歌 代人應藩臺觀風

海上仙人嬾朝天呼龍入海耕蒼烟含精孕秀  
鬱千年祖洲神芝古所傳此芝不可見空聞起  
死如還丹在昔嬴政生癡想童男五百成虛往  
島中徐福已圖王祖龍朽骨終黃壤徒令後來  
人按圖費摩挲太息欲求恐不得古來癡漢何  
其多方士荒唐慎勿訛請君聽取神芝歌聽我

神芝歌我歌還復思方今二東之民憂歲歉下  
眎糠粃與芝齊安得此芝此洲一朝成桑田精  
靈化為百穀滋坐令吾民快飽食鼓腹日日遊  
且嬉遊且嬉民和樂嘉禾有頌年年作此芝此  
寶孰與角

漢栢行 同上

昔聞杜工部長歌紀古栢青銅黛色入雕鏤瀾  
氣千年留骨格一從大筆奮標題此栢獨雄久  
無敵別有漢栢出山東武帝遺根留岱宗蟠雲  
擎雨經千年至今鬱鬱炳靈宮秋風怒號雷霆



走春陰偃蹇虬龍雄遊人幾輩來摩挲空長吁  
去無杜老之作發光恠空有竒木等枯株君不  
見茂陵石馬松楸裏昔時烟樹今有無  
昔聞邨晚  
桐陰下蘆簾涼庭生清樾徙倚臨前邨亂蟬鳴  
不歇叢莽低遠天山影青一髮原草醉夕陽歸  
鳥旋林沒行歌日暮歸坐上東山月

六月十五夜與諸弟飲田間柳樹下醉後

放歌

人生貴適意放懷無不可對此風月佳那能無

杯斝獨飲不成懽呼我諸弟者呼來諸弟向田  
中當頭漠漠垂楊風解衣褌帶坐明月翠條碧  
玉篩玲瓏綠莎作薦白木几酒行挽駛如飛虹  
揮金尊擲玉壺深瓢大瓠田家沽臭龍鳧鳳亦  
何事百錢自買盤中魚南園有瓜其脆如梨甘  
香入牙齒清冷沁肝脾酒酣耳熱作小渴拔刀  
自斷而食之人生貴適意碌碌皆亡羊萬事等  
虛空所貴一懽腸但使日日狂歌賞美酒此樂  
何減侯與王醉眼橫天忽大叫舉酒屬月成一  
笑古來縱飲幾千場殷勤謝汝來相照酌酌扶



去不成眠坐對寒蟾發長嘯  
城頭擊柝遠猶聞邨樹沉烟乍不分蓮靜野塘  
魂在水窟棲古堦夢連雲行行石逕交蟲語望  
望星河下露文蕭索茅堂鐙火裏入門松竹坐  
氤氳

雨中述懷

老屋荒邨托故枝連朝風雨太離披亦復不惡  
呼盧客差可與言牧豕兒自笑儒冠真誤事敢  
言高隱負清時百年知己憑誰問一斗濁醪一

卷詩

雨後齋中雜興

竹外烟消寫斷霞中庭草木湛清華短牋禿筆  
閒牕画松葉泥罏小院茶風定細香生藥本苔  
涼晚影散桐花不知門外泥深淺獨傍茅簷數  
過鴉

池上

何處衝泥去野池偶欲來漲痕添宿雨秋色上  
寒苔鷓下蓮房動魚遊萍葉開濠梁千古意誰  
解惠莊才



西亭晚坐

暝色下蒼茫  
林烟薄夕陽  
為憐石逕綠  
來坐野亭涼  
雲碧鳴蟬樹  
蒲青放鴉塘  
臨風動詩思  
禪喻感滄浪

苦雨

夜雨荒荒下  
連晨入晦暝  
潮聲排闥怒  
龍氣逼人腥  
斷砌埋山藥  
坳堂上野萍  
惟餘墻缺好  
添得遠山青

連雨不止感賦

太息今來雨  
作威荒村沒  
盡舊渙磯人  
散夜撼

水散哭海鳥  
晨雜山鳥飛  
破塹蛇盤場  
麥爛高塍魚  
食荳花稀東  
隣野老怪牛  
喘祇道間多  
噉草肥

二

半畝山田結  
敝廬秋霖忽  
作水雲居  
敗牀倚柱朝  
生菌埜漲連  
階夜上與屋  
裡清歌聞蚓  
唱案頭竒字  
見蝸書年來  
剩有相如壁  
零落於今并  
不如

西亭夜坐  
喜得今宵乍  
放晴臨風初  
覺夜涼生長  
河洗雨



當窗落新月懸秋傍杆明蕉暗空廊人立影烏啼深樹鳥傳更匡林坐到忘言處起向花陰負手行

八月十五夜與諸弟觀月望寒露分今并萬古今宵月相看此眼明尊前瓜與果花下弟偕兄酒政踈而野詩懷老更清殷勤謝蟾兔明日早東生

九日獨酌

邨邊苦少登臨處突兀開樽坐草堂放眼何山不絕頂入唇有酒即重陽一聲鴻雁三秋節萬

古黃花九月霜自是年來悲老大茱萸羞繫絳羅囊

秋日登西邨古城

城為春秋時介子國故墟東臨海古齊長城在其南

秋滿中原萬里開黃花時節一登臺霜攢紅葉燒林出雁擁斜陽結陣來山界長城通楚塞雲連大海近蓬萊悲歌獨放千秋眼介子亭邊吊古才

野行

空林霜氣清脫葉散在石冥心時孤遊荒苔見鹿跡



過友人張鄴同題壁

愛汝幽棲郭外堂  
習池日日醉高陽  
寒香侵坐  
黃花徑野寺為鄰  
紅葉墻歸去常隨  
烏角月興  
來時踏馬蹄  
霜殷勤消得情  
如許青眼真成阮  
藉狂

破屋詩贈故人李吳山

有序

而作也吳山故貴胄少時席餘廕擁厚  
費艱苦未試豪蕩自喜一時駭伎狗馬  
之盛甲邑中邑中人無與角者如是且

十餘年而吳山貧貧而鬻田鬻居鬻衣  
物器玩直至於今而蓬蒿藜藿幾無立  
錐地則是吳山之貧亦甲邑中邑人亦  
無與角者矣嗟夫吳山以貴公子席家  
世曾不能蒙業守舊自了一生則吳山  
亦一世之妄男子耳吳山何足取余亦  
何取於吳山而友之而悲之而贈之以  
詩耶余嘗觀世間庸劣人朝擁一金則  
夜郎自大暮而失去則狼狽匍匐不可  
支雖其平昔交遊分庭抗禮之人亦不



惜婢妾奉之以博一惟而資其利何其  
鄙也吳山既以富室暴貧得毋有類是  
者而吳山則骨稜稜然不少屈餅無粟  
竈無烟婦無長襦兒無完袴吳山第怡  
然安之雖其兄弟親戚亦不見一開口  
作乞憐語其於他人又從可知矣且吳  
山固貧貧不為憾憾狀三旬九食嘯歌  
自若既已洒然超脫矣而於世間人情  
鹹酸冷煖亦復甚悉則又非世之有胃  
無心者比尤足異也吳山多髯善談謔

有酒趣每大醉輒張目戟髯解衣咄咄  
作慷慨語有不當意者奴僮之以故鄉  
曲親串歲時宴集必以能致吳山者為  
賢主人每吳山至則舉座盡傾酣嬉淋  
漓不自止然以其性剛使酒人無敢狎  
侮者余嘗謂吳山生平有三可觀在少  
年揮金如土時在大醉時在閉門斷火  
忍饑欲死不開口向人時由斯以談則  
使吳山席餘廕擁厚貲至今不貧為庸  
庸一富人兒又何以見吾吳山哉吳山



少學為文章不竟其業復學詩詩不盡  
工願能得大意不屑屑為書生祗襍語  
有可喜者性嗜書畫能鑒別超超玄解  
破去畦陌以此數事與余交尤相善嗚  
呼此乃余之所以悲吳山而贈之詩也  
余聞君子論人貴得其真余交吳山久  
知吳山最深且詳由前所為吳山不免  
為蕩子由後所操則吳山迥然高士矣  
吳山素以弟畜余余不敢為徒然者故  
因序詩粗論之要使瑕瑜不掩長短互

形而吾之真吳山出矣吳山其以余唐  
突乎哉

破屋荒垣半委泥王孫常伴草萋萋千金過眼  
十年夢萬事傷心五夜鷄有骨何妨貧作病無  
愁直以笑為啼故人倘許同招隱一厦猶能共  
竹西余亭名也

吳山弟櫟邨改舊屋作新廡乞為題詩湯  
應之

九月涼初動高舂煖欲生酒痕餘舊夢画壁儼  
新成卓犖觀書意優游閱歲情惠連有兄弟好



共坐秋聲

謂乃兄  
吳山也

雪後即事二首

畏寒常閉戶  
盡日渾支頤  
對酒魂清處  
開簾雪淨時  
欣然尋野客  
隨意到南池  
忍凍梅花下  
長吟弄玉枝

其二

欲折梅花去  
為憐破雪痕  
留邀今夕月  
來坐好黃昏  
拂石存枯蘚  
連香倒野尊  
清狂信如此  
應有夜深魂

西亭雪後

捲簾看凍雲  
萬象浩以潔  
饑鴉拍戶飛  
打帽落簷雪

丙申 丁酉詩入湖海集

送友人遊金華

君是讀書者  
今從宦海遊  
主人雅重客  
之子慎良謀  
故國猶文獻  
窮閭尚隱憂  
金華舊為名區  
聞近日凋敝不  
堪矣  
漫將天末意  
空賦仲宣樓

春日野步效翁體

放脚村邊野  
迢斜逕迴青草  
未全遮屐穿石磴  
霏雲氣爪帶泥香  
別巖芽半醉半醒  
茅店酒乍



寒乍煖早春花行歌去去真無事聞看山蜂放  
晚衙

入春多寒乍煖忽見燕子

春已過寒食楊柳青猶凍今日著春衫燕子聞  
新嘆墻角樹微斜香雪簇向鳳東風一夜溫吹  
入梨花夢

題畫

作泊

春水拍堤桃花映竹名士美人窅然絕俗暮雲  
朝烟抱獨幽谷  
明月如積水蕉葉如立荷着個鷺鷥睡白蓮出

綠波

巨石二筍為友人畫簾

門外風掀百尺塵書窓持帚掃經春明朝展卷  
休相妬簾押新添石丈人

木香盛開聞花間蜂聲有會

聲從靜中來靜於無聲時空山落樵響清夜聞  
啼雞簷蔔木樨香禪意通至微自昔解脫者觸  
物有天機對此微妙境醒我鈍根癡

蚤起折木香花

臨花折清曉泚手露未晞瞳瞳初生日弄此花

改晨字



上輝中有隻黃蜂腰身頗細微不知花在手猶  
自繞人飛

天氣微熱解衣就窓下卧隔紗看木香盛  
放

綠陰滲窓入玉枝掛簷垂幽香人卧處閒對滂

郎詩時從枕上讀  
元次山集

歸來

底事思歸好歸來興轉孤不堪索鹽米翻覺厭  
妻孥餅渴難賒酒園荒懶荷鋤何當訪五岳飄  
泊老江湖

九日西齋小集對酒有懷長山新城兩地  
諸友

雲淨澄空絕點塵尊開石逕敞苔茵黃花香裏  
圍兄弟鴻雁霜前憶故人何處登高遊汗漫此  
時對酒眼精神閑心欲問龍山約憑仗詩魂過  
大椿向客新城大椿軒曾  
有九日登高之約

全日再成

晨起端居好重陽感物華如何對故國轉是憶

天涯畫夢番蕉雨詩魂遠菜花蕉雨廊為長山  
王歷長所居新  
城王秋遠翻疑王勃句輾轉祇思家謂蜀中九  
有菜花居



河上口號  
河上長天淨如洗渚清沙白遠浮空夕陽漁艇  
半篙水野鷺一散秋蓼紅

除日祀漁洋先師小像

清供知不厭貧家別有風流薦歲華恰似先生  
詩句好一罇栢子一甌茶

右第二卷計詩四十六首乾隆甲子山人

自編

南阜山人詩集類稿

擊林集類之一 第三卷

戊戌 己亥庚子詩入湖海集

遊勞歸來口號 高鳳翰敦

千峯踏翠微一杖曳雲歸為愛烟霞色歸來不  
浣衣

夏日齋中雜興

午轉庭陰破夢初一甌麥飴薦河魚遠階捫腹

經行遍却讀漢洋說部書  
時方訂居易錄  
池北偶談等集

二



薄日侵階樹影斜  
石林拂簟落青霞  
生衣葵扇無拘束  
卧看新梧小着花

當牕迸籜粉離離  
軟舞風梢弄委蛇  
好待月明踈影裏  
就痕搨作小垂枝

四

手種萱葵一百本  
連朝風雨蕩花開  
梁簡文詠風有屢蕩  
好花開之句孤吟獨賞成賓主  
不信看花有客來

五

鎮日吟詩破寂寥  
閑門惟有雨蕭蕭  
邨邊僂佯

新成渡也許人呼  
丁卯橋

題画

荻花瑟瑟鴈連天  
迢遞秋岑隔暮烟  
落日但驚秋色濶  
不知身在洞庭船

壽内子四首

自作黔婁婦常嗟  
荆布心今朝看設  
帆相對坐愁霖濕  
葦堆寒灶空堂積  
晝陰惟餘堦下水  
幽絕祝鳴琴

二

兒子知人意遂  
巡上北堂短衣難  
再拜勺水且



稱觴莫以今蕭索遂忘舊慨慷為御述故事庶  
下有鴻光

三

強作千秋語終為措大憐行年三十外作配百  
邊脫珥充書債捐釵付酒錢那堪今日壽慚  
愧報新篇

四

無以慰之子揮毫作小詩未能占古調猶可當  
盲詞聊爾歌還笑何勞鼓與吹他年傳故事應  
解後來頤

觀漁歌

海國落日秋雲黃青林欲墨天無光誰家縱漁  
據危岸指揮大坐銀胡林布網如雲被洲渚憑  
陵勢欲吞漭泱大魚小魚無一脫紫鱗銀甲羅  
千行此時羣魚巧避匿束腮下銜蘆根藏可憐  
助惡出同類獐獍縱橫饑鷹張重淵下攪腥波  
赤魃魁各自矜強梁得魚上岸鼓涎吻殘腥乞  
得剝餘腸吁嗟此輩不足數長養造物皆辛苦  
寸條尺鯉亦玉仁九重宵旰憂明主

後觀漁歌



向晚觀漁秋水渡月明人去生秋樹殘鱗潑刺  
不成穀潭底潛蛟向月訴萬顆迸盡赤淵珠水  
寒難生十月霧蟠泥屈首待春雷明年徙家南  
溟去  
讀周禮  
我亦聞人言一榻寬九州此語恐未然或涉夸  
與浮日來讀周禮忽與三代遊自忘今世士揖  
讓登成周奉身置六官一一見綢繆寒燈破茅  
屋朝野森在眸始知讀書眼高睨輕千秋荒庭  
夜氣寒簷雨聞颼颼

擁書二首

擁書坐北堂意氣忽昂藏身世傷傀儡功名吊  
戰場高秋新秫稔古巷舊牛羊歲晏足棲托悲  
歌聊自狂  
風雨三間屋飄零幾卷書不因披古訓誰識負  
閒居文字羞丹粉浮生嘆魯魚近來饒白髮搔  
首重踟躕

花餅注研

插花蒼滿餅餅水香且清水清泛香烈中有花



精靈夜來置庭隅  
泣以秋露英  
晨起滴小研  
紫玉含泠泠  
愛此衆芳滋  
蘭芷雜薜藓  
尋常莫浪擲  
晉注離騷經

關門十首

閉門白日足幽棲  
靜裏諸緣見物齊  
消息遺痕池岸雨  
去來浪跡燕巢泥  
首花脚信籬邊  
屐撥悶詩尋物外題  
醉據稿梧成一笑  
由來天地本醞雞

二

空庭兀兀忽成感  
刺眼紛拏太不勝  
萬事都如

秋鹵莽百年渾似雨  
憑陵啾啾墮地爭  
蟲鳥撥刺穿林趁雀鷹  
獨我吟詩無住著  
手疏花蔓引長藤

飽坐秋風日苦吟  
是非消盡頓忘貧  
劍鏗歲月憑豺虎  
牛角悲歌寄鬼神  
盛世人嫌成棄物  
散材天放作閒人  
花邊抱甕雲邊枕  
是處能容草木身

四

畏事經秋不到城  
閉門三徑欲雲生  
鳥來馴後



成賓主水養活時有性情座揖麴生尋舊約牌  
分花部選新名埋頭五畝間蓬藿飽噉高歌答  
太平

疎花薄日冷纖纖又聽秋聲倚暮檐石上魚鱗  
深紫繡林間鴨脚淡黃尖心隨物候連秋動鬢  
逐星霜入鏡添三十六年成底事可憐呷盡醋  
中塩

六  
霜天卧病人初起牢落空堂斷客過行藥下階

聞墮果裏人入夜動秋河眼中歲月堂堂奔門  
外風波種種記不分寒砧與哀雁無賴偏向夜  
闌多

荒涼人住盖公鄉清靜緣中得意長賤日文章  
容跌宕野人禮法任頽唐厨空有婢尋山菜荅  
冷憑兒盖夜霜我更無田租吏少儘消風雨賦  
重陽

倦遊今始愛吾廬鎖盡秋風薜荔居簾外陰晴



閒冷煖花邊開落小盈虛荒畦自種多辛菜老  
友同叅無用書笑把蒯緱纏破壁肯將短髮嘆  
無魚

九

十年生事太飛揚龜縮從今別有方冷處書腸  
千古熱間中詩課一秋忙買田欲著新農史斷  
画平捐舊墨莊重裹白頭作老蠹補牢遮莫笑  
亡羊

十

滿眼風波滿眼塵索居何事嘆無鄰貧能高卧

真竒福懶不開門即貴人野圃自容秋繾綣霜  
天許共月精神籬花檻竹檀藥夜坐盡風前槁  
木身

哭德州趙易齋先生四首

先生時守金華卒于官

家本平原里

德州屬古平原郡

人呼小孟嘗

先生好客一時都下

有此

十年夢京國一宦老蠻鄉欲問當時客博

徒誰賣漿空餘妻子淚泣盡遠遊囊

未識三千客曾邀一字知

余嘗以小詩見賞

每思彈鋏

去高咏過江詩水市尋漢父風亭指画旗可憐



成永恨天未哭鍾期  
我自傷才子南荒失大賢  
詩魂遠故國旅旆隔  
蠻烟命薄窮途晚官貧  
驛路牽悲來呵楚辭一  
問屈生天  
曾下君家榻諸昆暨阿戎  
詩壇分劍囊書閣接  
簾櫳此日山河淚誰云  
牛馬風終當磨鏡去澆  
酒衛河東

暮春題画寄德州趙間齋

欲將春信寄天涯  
臨筆懷人日正斜  
忽地開簾直北望  
滿天飛雪捲楊花

題先相國公遺笏有小序

相國諱弘圖號硜齋  
明季南渡後殉節  
於會稽上竈之竹園

相國孤忠日月邊  
猶傳遺笏渡江年  
指揮已失金陵氣  
慷慨同消竈上烟  
袖底有心誅寇盜  
殿前無地畫山川  
可憐一段青蒲血  
凝碧千秋清欲穿

詠北杜鵑花俗名映山紅



白袷臨花淨朝光射眼新半酣妃子頰乍破小  
伶唇葉尚凝山翠根仍帶石皴合教貯紙帳冰  
雪蔭精神

西亭歸興

漫勞事事費安排且自隨緣亦復佳肯使案留  
俗卷軸儘教習放好詩懷新蔬入饌添葵菜小  
豎供炊足麥藁惟有關心紅葉約種麻好績辨

芒鞋

時與山南諸君有秋  
如九仙看紅葉之約

友人有鬢白者戲為解嘲

手版前頭刺眼明斗羅帳底惱人情身無熱宦

家無媵正合從君頰上生

送菊趙秋函老師

籬落新荒徑

時方經  
水患

煙霜舊菊枝猶餘香淡宕

不改影支離冷韻難逢世清標可贈師定知蒿  
榻畔側卧對吟卮

和成公水災後詣省請命二首

寶歷雖在亥五十八年秋行船符甲子倒海怒  
陽侯禍自生民慘誰先天下憂空懷漢丙吉驚  
喘問途牛

二



那堪窮海澨比歲歎無年土瘠勞民苦風凋末  
富偏膠地瀕海農薄商殘秋方九月下穀已千  
錢滿眼悲桑梓敢為八口憐

王郎歌為潛英主人題画

画為揚蟻下先  
生寫李長吉神

絃曲旋風吹馬  
馬踏雲之句

壯士愛寶刀名士愛寶研嗜好本性情寓意各  
有見吁嗟吾友王郎跌宕磊落負奇姿平生愛  
画亦愛奇蟻下老翁稱奇筆追險攝怪寔同之  
此翁有俠腸高義故絕俗尋常不屑驅腕靈鬼  
才愛譜神絃曲此畫到耳二十年昨日始見君

家屋君從何處得奇蹤四壁颯颯生霜風風馬  
倉即雲脚垂下方落照秋林紅神君高冠撫長  
劍雲中鵠聳鬚眉雄吁嗟此画之奇真奇絕王  
郎意氣差相將對画狂呼三百括坐客無言但  
咋舌須臾客去我獨番燒燈背画彈吳鈞忽到  
忘言成暝坐還聞壁上風颯颯

### 食藕詩

飢來不出門行歌入花迳碩見盆中荷霜葉覆  
枯柄輒馬念古人草木可寄命呼兒覓藥勸劔  
取雪藕淨汲泉付中厨老婦滌塵甑珍重不妄



食古器薦哥定再拜謝殘荷有慚鑿爾性以爾  
君子香醫我貧非病

辛丑

歸葺西亭作

遊子久不歸石逕埋荒草野禾迸窻入枯桐臨  
檻倒牛羊當堦眠蝙蝠如鴉老泥痕果爛櫻蟲  
紋花食束相携蓬頭兒縛帚躬除埽臨風展書  
讀怒馬傷懷抱

開門

種柳已成園不計三與四相向挿籬門聊復存

古意西南臨高原往來足雲氣有時具壺觴藉  
草成薄醉兀然千載人我愛陶徵士

晚坐

向晚雲氣盡初月出西林清露泣叢柯涼風吹  
疏襟悠然時起行負手成孤吟始信漉酒翁真  
有無絃琴

食海物戲寄同里諸公客德州

有客有客歸海隅入門大坐疾聲呼立飭家人  
為買魚兩年辭家餽吻枯翻囊倒篋千錢俱豎  
子切勿留斯須有頃魚至羅庭除鼓腮撥翅猶



相吁鱗甲裸介角與鬚好醜不一形狀殊白者  
耀雪斑陸離碧者沉翠紅珊瑚一指授付中  
厨城中美酒深觚沽大兒庭下走且趨小兒捋  
鬚團妻孥快然一飽意躊躇身熱且復歌嗚嗚  
作詩一笑寄病夫謂宋蓮友更為傳語兩酒徒謂紀道生  
家仙秋風轉眼好尊鱸飽涎遙下一尺無遊子  
不歸胡為乎

對月放歌有懷西遊諸公

眼中明月一千里月下美人隔秋水迢迢銀漢  
屋角明花間露滴秋苔紫此時懷人歌屋梁虛

空顏色想爾爾癯者如鶴清淡者如雲凝碩然  
偉者如嶽立穆然靜者如淵渟或從文酒恣跌  
宕深談大斗氣相向或從風亭坐落花生衣葵  
扇側巾紗或從竹樹間延佇宛轉嬌提小兒女  
或從官署坐談經老蒼意氣九秋橫私念諸君  
子各各夜未央舊時狂生不在眼也應憐此明  
月光明月明月天地胡為生此一片清光肯不  
了古來惆悵人多少人間本是無別離有情却  
被無情惱安能摘爾墮重淵混沌還我無昏曉  
庭卧不寐再懷諸公有作



疎鐘隔幽夢露蟲吟砌草四野農歌繁悠揚入  
青杲私喜念妻孥今年糜可飽忽然感別離六  
十二昏曉余以五月二十四日去  
德州至是六十二日不知故人田  
禾秫收多少傳聞千里訛水旱安可保望望沒  
晨星長河西傾杳

題画芭蕉為張山農作

家家種芭蕉好陰空覆屋惟有山南翁開窓映  
書讀老眼變黧昏細字見花綠嘗笑無王猷多

少狂栽竹

曉汲

破曉起中庭晨星明耿耿烟中殘漏遲屋角花  
陰冥徙倚復何為挈瓶汲素練非閑渴吻乾愛  
此石溜冷坡公賦乳泉妙理發人省行行落月  
隨想見泉上影

賣薑翁

賣薑翁駕短輓問翁何來平原客平原一舍指  
衛河眼底陵州落西北今年我客陵州迴大旱  
千里飛黃埃陵州故人出郭送相看各各攢愁  
眉一從歸來見桑梓桑麻如入桃源裏對此翻  
增千里憂安得豐穰共彼此可憐兩月不相聞



時時北望傷吟魂今日見翁如飢渴再拜問翁  
為我說翁聞此語一笑番好事報君君勿憂君  
來麥葉如燎火我來穀苗如潑油天公水旱不  
轉眼兩月勞君空輾轉我聽翁言言未終當眉  
喜氣揚雙峰絮語留連天欲暮河上斜陽下煙  
樹沽酒番翁翁不住軋軋長鞭叱牛去

浮雲閣詩為張藥山賦

大河湯湯接海脚曲抱城坳如縈索有客隔水  
好樓居邀我來登河上閣此地經過二十年眼  
中幾遍看風烟最初曾記外家宅百兩鼓吹猶

喧闐轉眼雄投躡劉毅一朝擲去等兒戲再經  
如過西州門不待聞笛心已碎此後紛紛傳舍  
多去來估客如流波依稀難記姓與名一樣驚  
風捲敗柯前年始入玄真子漁童樵青足驅使  
因屋重增小閣幽榜以浮雲誠達耳君不見東  
去滄溟有昏樓隨風變滅皆浮漚又不見城中  
宰相潭潭府幾日為人貯歌舞世間萬事皆浮  
雲惟有達者許同論且復與君登閣度牕窮遠  
目笑指海月澆清尊

豪塵歌

野人用黍苗脫粒番鬚作帚以驅蚊  
蠅有類塵者欣然亦投一柄為作歌



前年作練塵霜雪以成灰昔時曾畜白練鵲死取尾作小塵已久失去

今年作藁塵綠玉如毡魁修翎俊翻不相待自

應理沒同蒿菜同蒿菜決計早門外石田臨大

道酒饒種秫恣老狂林苗縛帚還堪埽未便斟

酌酉與卯且喜森森列萬崇山中六月苦多蠅

取藁作塵代揮眩藁端細縷青鞵纓柄攢密股

結以繩客談指點意縱橫一揮消盡齊宮散翅

跛股折羣屏營賢於十丈陰崖冰下簾人去悄

冥冥夢裏哦詩安且清不須高仿晉賢輩但持

長柄鞭牛背

七月一日心動為宋蓮友久病客德州

一念無所着一物無所觸胡然心骨驚跳此失

群鹿故人遠未歸客病久纏束豈無魚水交弟

兄好手足豈無隨飛雛團團好骨肉不如早歸

來故園好新穀

客來晨盥以鹽擦牙

人生衆欲煎大都為形累耳目作聰明世乃有

聾聵多此十手指拱戟分揖詈兩足不解行何

由分健跛凡百諸有為靜思皆可出去飲食用

衛生誰能龜服氣嘗恨六根塵難除有獨至日



來齒痛搖資塩作石礪初着齧齧間泥土無岐  
致忽復入舌本中邊覺頓異乃知別酸鹹吾舌  
誠多事誓將捲吾舌薰猶任同器

對客食小蟬

客來三日厨無蔬大搜蹴塌瓜田廬去毛爛煮  
吳客耳幾迴願朶長柄瓠今朝忽復食指動却  
訝異味何來歟海上羣兒捕沙狗飽食不異黃  
羹菹有時持賣當街呼十五貫以蘆家人  
買得如擊珠對客色喜驚盤盃爬沙如見爪鋒  
利擁劍怒氣全消除塩花薄點饒風味紫膏盈

殼黏牙腴想見東坡饒居士惠州羊骨誇齒餘  
分曹賦詩與客俱慎哉熟讀爾雅書世間不少  
膨脝奴

題王安節画卷贈山中友人

画為安節曹寔斧先生作

莫愁湖上好煙水金陵画手推王子王子作画  
操尺度樹杪藤梢辨原委十日五日成水石却  
與画工爭生死此画舊贈鄴下翁林莽泉脈紛  
勾通當閑巧思着水磴水激石嚙聞撞春中有  
三士何從容前者臨流後拖筇行歌隔水遙相  
從濯纓濯足想高蹤高踪合在雲深處日日間



雲共來去南山採藥北山歸  
我友山中雲水窩石林茅屋堪同賦  
鐵麓來彷彿從君画裏住一笑題詩轉贈君  
與白雲裹霜絮  
入戲搨牕間花影作竹枝  
堦下蓄薇新凍禿枯根未盡還抽綠  
因風拂影動窻痕欲上不上憐予  
手新圖強作竹咫尺叢梢隔牖青  
潤幅時後圃新移竹一叢世間萬物無定情草木何知有  
賢不但能看竹無非竹對竹何妨還食肉

與客談

報仇不手刃報德不千金雖復小快意終非烈士心  
與子同寥落含意俱未申秋風起天末颯颯下庭陰

右第三卷計詩五十八首乾隆甲子山人自編



南阜山人詩集類稿

擊林集類之一 第四卷

壬寅

高鳳翰數

西亭對酒有懷成毅庵夫子即題画册奉

不坐寄

真交不以形亦不在縉縉我與海曲侯草草成

一面公時方洗硯醉狂生居然畧寒賤今晨醉

西亭寒冰炙枯研緬馬懷古人有淚下如霰古

人不可作與侯成依戀長嘯擲瓦壺起立忽三

歎



人生天地間如花因風委茵席及溝泥飄泊從  
所以茫茫造化兒瞪目迷咫尺不知此生心灑  
血向誰是茅屋醉春雲遙慨不能已十指任懸  
椎汨汨如流水信哉東坡言有懷長於紙擲筆  
下空庭陰風天末起

請纓行送別馮夫子赴軍前

馮夫子請長纓老出玉關絕塞行鬚鬢雖蒼意  
氣橫六餌縛醜來王庭丈夫乘時貴有用安能  
株守柴與荆臨岐一相送別淚不須傾直入虎

穴得虎子古來異域垂功名嗟余白髮老書生  
林頭有劍空夜鳴安得相從馳鐵騎指揮萬里  
掃揆槍

又題画柳代作

泊堤新綠漲春濠歸雁行邊賦勞毅勞莫怪贈  
人偏画柳玉門關外少長條

又題煙柳蝴蝶代作

花香蝶影亂春痕細草如烟撲地昏直到天涯  
青不盡牽人處處是王孫

又題画山水代作



誰画煙嵐送使君  
綠楊紅寺隔斜曛  
為愁望斷天山眼  
遮却巖腰着片雲

又題画石代作  
羊杜風流在功成  
意氣間先將勒銘  
地片石画天山

慷慨復慷慨  
長歌奉君子  
我聞龐士元  
奇才非百里  
譬彼蛟螭姿  
騰蹕羞尺水  
吾師成侯生  
平卓犖負奇氣  
十年作縣鬱  
未起太阿在  
握斫小鮮坐使  
英雄失長技  
故知造物哀  
東人海國瘡

瘼慰勞止造物  
雖仁用未弘  
一宰何能効  
燮理祇今兩度守  
膠西婦女兒童  
識舊使小人願  
公留借寇無時  
已君子願公遷  
廟堂資愷悌  
與其使公為我  
白髮鬱鬱繫一  
官何如龍驤虎  
變恩膏大沛來  
丹陛天下安危  
賴我公一邑之  
福緒餘耳

三台畫石歌  
吁嗟異哉誰持  
倚天之長劍  
截取泰華峰  
頭三台磊落之  
奇石崩雲下  
墜千丈強番  
光十日驚霹靂  
筆端攝怪追  
其精縮入陟  
登羅青碧此石



安所用既美羞几席直與天地之間偉丈夫勒  
鐘銘鼎鬲奇績不然當出膚寸雲霖雨化作蒼  
生澤石乎石乎誠無怪爾欽崎磊落應星精色  
正芒寒射奎壁三台著象標國華寧與世間常  
石量長較短爭咫尺

晉大題画梅花天下安  
韻冷難宜俗香幽不受憐獨番高格在寥落伴

春煙

題画山水二首

山雲淡不流濛濛四山頂漢舟向晚歸笠子戴

雲影

二首

桐陰清可憐竹聲復在耳無人共往來曳杖孤  
烟裏

題画荷寄王謙可

春迴小閣卸春衫書枕間歌翡翠函一幅青荷  
對烟水碧湘簾下燕呢喃  
何年松化石臨水墮崩垠氣復含雷雨情空逐  
水雲苔封老蛟蛻沙噉蛙虫痕合傍幽人屋荒



煙伴竹君  
雨初晴喜方養虛十四兄見過  
竹外土香生花間薄露明客因來舊雨天亦放  
新晴湖海忘賓主泥塗愧弟兄歸鞭吟望處湯  
指少微星  
雨中送客王轄下  
風雨連朝莫厭頻村邊沙路正無塵油衣莫漫  
愁非瓦原是披蓑戴笠人

題畫

古木覆荒茅脩然寄高賞林深不見人雲氣自

來往

題畫桐贈山中人

疎響清陰落一庭烟枝風葉可憐生定知潔癖  
襄陽叟客去常拋塵尾橫

張五弟自河東來余草堂話舊時與弟中  
表分張各數年  
外家邨住大河東河上長橋儼卧虹記得當時  
橋上過浪花飛濺小衫紅  
村頭諸舅待甥歸捧頰歡然笑語圍記得入門  
當膝坐小盤親剥蟹脂肥



南園東粟北園瓜大港魚兒小港蝦記得呼羣  
終日去齊編草網捉鳴蛙  
櫻桃枝上好春風顆顆朝霞映肉紅記得花間  
同射葵背人偷縛竹枝弓  
夜深吠豹隔溪聞村樹清宵月影分記得跳梁  
成折臂學他射虎李將軍月夜同張五弟戲邨邊逐鄰家吠犬五弟  
大跡折臂  
月始愈

西灘石子錦爛斑選石常過日暮還記得歸來  
間闔草一尖輸却小蓬山  
書堂簾下晝暝暝窺戶常聞洛誦聲記得隨人

學弄筆也携小草拜先生

顛毛四十已皤皤石火流光瞥眼過記得當時

謔語妄空成一笑竟如何

時多  
大言

未為方龍眠題画寄陳滄洲先生

清晨掃地散髮坐蘆簾欲上朝暎紅門前剝啄

驚鳥雀露花閃落空庭松有客投我三尺縑邀

我画寄滄洲公滄洲先生我未識時於湖海傾

高風山南老友善敷說

謂張山  
農先生

令我遠想心神

冲其餘紛紛在人口傳聞異詞旨則同十年懷

公如懷古生雖并世無由從何緣却借龍眠叟



吳淞剪水神明通清標柱石愧筆力塗鴉略具  
難為雄画成擲筆忽三歎却羞書上昌黎窮安  
得蟬蛻謝寒賤致身盛世隨夔龍

古詩贈日者

少年心志銳意氣輕八垓卓犖觀世事到眼如  
飛埃快讀蔡澤傳高議真雄材富貴吾自有此  
論未足駭祇今久寥落四十困蒿萊意氣復何  
用鬢雪已皚皚昨日過南市市上壺天開偶然  
問君平發策忽長唉君才良不易君命一何乖  
譬彼菖與蘭幽隱埋窮崖駕馬爭長驅騏驥空

徘徊縱復小得意辛苦常相催我聞三歎別感  
君開中懷仰視秋旻高颯颯商聲來

題画荷葉皴石

海上仙人賭酒狂戲抽碧筒當飛觴醉中失手  
蓬山頂化作金華洞口羊  
青荷化石幾年年筋脈猶存綠色鮮時有雲來  
凝湖水居然飄動尚田田

題石蓮圖

山人我贈石蓮字邀我還補石蓮圖石蓮之山  
我未見捉筆想象空模糊伸紙一掃亂雲出雲



中五朵如攢樹強充作圖供一笑瓜棚說鬼何  
有無

乙巳

送姜生仕可遠遊

故人有令子辛苦事長征不以饑寒逼誰馳風  
雪行母心衣絮重僕眼客囊輕我解憐羈旅書  
生慎令名

對菊偶成

繞砌依欄曲數行西亭破曉見新霜我來似客  
花如主一踏將迎到草堂

不向朱門動舞塵蕭然松石自成隣孤寒也似  
看蒼客難作金閨食肉人

不架蒼枝不上盆居然邊幅不修人形骸土木  
憑悠忽別是花中老伯倫  
兒子能粗竹外烟獨憐抱甕少清泉連朝略典  
荷衣盡摒擋鄰家買水錢

苦灶行

有引

余家近海門籍列灶戶荒邨窮黎業益  
為多覩徒役之作苦悼里胥之催訶怒  
焉心傷作詩以告當世之司嗇政者



南風一夜捲海水海上晨趨走婦子荷鍾持帚  
群相招笑指池中雪花起溷淹赤脚紅鱗斑灶  
下蓬頭炊濕烟饑腸霍日向午尚待城中換  
米錢得鹽盡入豪賈手終年空作牛馬走人生  
百役各辛勤視此一笑真何有就中老婦尤堪  
傷長號向我淚滿眶白頭半世作亭戶今年不  
幸阿公亡阿公一死誰當語家有丁男解鷹去  
舊例每歲冬底解鷹  
鹽院若干駕小兒覓米未歸來府牒勾人  
帑吏怒祇今孤苦一身支為民為灶互參差灶  
甚苦自徭役混更不惜垂老死徭役可憐一鬼  
應民差益不支矣

兩三皮幾迴欲去戀鄉井兒女柔腸空嗚咽天  
闌萬里叫不開直須抱石投東溟我聞此語首  
頻搔口銜石闕心忉忉老婦老婦且莫號好待  
巡鹽御史行將按部來此飛章入告救爾曹

丙午

東歸後却寄歷下諸好友

作客經年湖上堂歸來事事轉思量一痕月灩  
紅鱗盃八尺風漪綠簟林交臂封胡圖夜譙分  
詩邊李吊斜陽種莎吟社情尤好射虎人豪未

易忘

李將軍有種  
莎吟社列稿



丁未

長女歸省題画送還二首  
文長昔嫁女無物供奩妝百幅青藤墨隼盛黃  
篋箱尋常輕淡薄聲價久飛揚殘紙千金值三  
都貴洛陽

其二

迎女來歸省經旬始遣還入門嫌冷落阿母苦  
周旋倒篋搜藏線呼兒覓市錢何如效徐叟獨  
讓老夫賢

晚歸南邨至河上有感

薄暮垂鞭信馬歸夕陽河上滿晴暉四山沉紫  
輕雲幕萬柳新黃一鷺飛老味逢春多感慨舊  
懷入想轉依微祇今漠漠平沙嘴曾是兒時學  
釣磯

題画竹贈盛晴谷盟弟

野黃花外碧琅玕贈爾常番別後看也當吾曹  
分席竹江南江北報平安

題画竹寄宋珂江官中

頑石居前萬竹寒  
頑石居珂江齋名春風逆籜滿欄杆  
偶過石徑收新粉和點松煤寫嫩竿染處水痕



見鄉井寄來心印報平安間時莫漫常懸壁  
待思家一取看

題画別晴谷

迢迢南北天秋風別之子之子歸興佳故人情  
難已尺幅托溪藤幽意寄雲水雲中多鴻雁水  
中多赤鯉莫謂尺幅輕相思共千里

別馮函光世兄

我愧通家好居然馬齒先昔從官署裏猶見未  
婚年轉眼同飄梗驚心感別筵歸哉養毛羽弩  
力祖生鞭

輓鵬客叔

叔家新兆去  
先塋僅里許

先隴舊卜洋河岸阿叔新阡隔嶺開松蓋陰連  
山月黑雲車響逐野泉哀人間最重惟團聚地  
下還應有往來好為孤兒將痛淚冥冥相寄到  
泉臺

題黃愚園夫子鵠原圖

世人寫真如兒戲桃蕩輕儇作布置妖花艷草  
羅滿前美人行雜姣僮侍下至狗馬及禽魚更  
無一席着兄弟嗚乎畫裏虛文尚如此實地相  
者可知矣請君讀此鵠原圖一條肝腸貫生死



我亦半途夫凡人對此如墮烟霧裏古栢雲垂  
慘淡陰血淚飄風灑滿紙  
雪中戲成二絕句  
大雪堆簾擁故裘  
披書難出手如鈎  
還家可怪無烟火手更如鈎是炕頭

二

酒盡空餅火盡鑪  
冰花結筆長葫蘆  
呵冰欲草陰寒帖  
又咲冰花結到鬚

戲贈盆中水仙

春來食肉兼長醉  
對爾應慚射姑仙  
自合連朝

斷烟火一天風雪伴枯禪

右第四卷計詩五十首乾隆甲子山人自編



南阜山人詩集類稿

湖海集類之二

第一卷

高鳳翰

氣決交遊情深巖壑自為諸兒時已具風

趣願埋頭荒邨鬱鬱看屋僻者逾二十年

始得稍出閱世發軔於己丑縱轡於戊申

已酉以後飽看風濤則又別開境界矣

戊子

春日望海

應郡試作

傑閣峻嶂倚海曲長天摩盪寫晴霞輕風細蹴  
千堆雪暖氣新迴萬里沙地屬北海見郡志



水剪鬣宮飛燕子紅分魚眼上  
莼花欲呼青帝鞭龍起不繫張騫  
八月槎

郡中城樓送別

送客凌高閣蒼蒼香烟樹今日  
眼中山明日君行路

已丑

滕王閣

時年二十七初作遠遊如南  
昌省族伯總戎公於鎮署二十

好雨催出遊涼氣洗殘暑滕王閣  
上來不見當年叙墻角斷石歌仿  
佛王郎語半折委溝泥半折作碑  
礎碑上大官詩金粉新如許長歎  
一摩

掌淚下如脫黍自澆千古心  
餅中有綠醕

絕代有奇才弱冠氣超越奪席賦  
滕王綵筆照

江月我來江水寒涼雨微風發古  
木吹新烟斷螭埋石髮或是當時  
番欲問難為揭哀哉後來人才短  
如折襪南浦與西山驅使無少歇  
雲山如有靈千古恨王勃

兒童詩效徐文長體

有引

在南州五六月客况無聊中時與  
齋中小僮嬉戲作兒曹事撫掌一  
笑少破岑



寂一日余方屬思苦吟僮子輩見而笑  
之謂阿癡日日作詩能以吾曹嬉戲事  
為韻語且令吾曹人人可解乎余唯唯  
援筆成六絕句擲之詩成才一朗吟未  
及解說而童子輩已譁然競笑矣雲山  
間撲黃蜂遶野籬腰橫小扇覓蛛絲塔前拾得  
青青竹偷向花陰縛馬騎

半拽長襟作獵衣絲牽紙鷁撲天飛  
春風欄外斜陽裏攪碎桃花學打圍

踏肩疊臂作長梯撮上簷梢摸雀兒  
搜盡百蟲供一啄滿庭花草爛成泥

四  
窗前小鳳影青青幾日春雷始放翎  
五尺長梢生折去綠楊風裏撲青蜓

五  
薰風五月藕荷香踏藕穿荷開一塘  
紅褲紅衫都濕盡又藏花帽罩鴛鴦

六  
無難綠葉當採小笠賣香荷  
必於紫工



短髮垂垂接綠蓑當得小笠覆青荷忽從岸上  
教爺看捕得魚兒一寸多

薰風小娃詩再效前體

有引

五余既為兒童詩出以示客客笑曰是誠

主社亦善然余意中尚有數小娃事為閨閣中

與前七瑣瑣不足道者君能復為措筆乎於是

書亦四客述一事余輒以口號應之述畢而詩

亦終試以擲之白家老嫗老嫗還能點

畫廊東畔綠窻西闔草尋蒼共捉迷袖裏偷來

畫廊東畔綠窻西闔草尋蒼共捉迷袖裏偷來

慈母線一勾小襪刺貓蹄

作襪不半寸許着貓  
足為戲謂之貓蹄兒

二

安排杓柄強枝梧略着衣裳束一軀花草堆盤

學供養橫拖綠袖拜姑姑

以杓柄作芻偶乞  
靈謂之請姑姑

三

高高風信放鳶天阿弟春郊恰放還偷吞長絲

縛小板牽人花底看鞦韆

四

姊妹南園戲不歸深深小語坐花園平分一段

芭蕉葉剪破春雲學製衣



新晴晚坐

江風吹雨洗晴空小檻披涼上画櫳竹裏凍陰  
侵石綠花間薄日萬雲紅簾紋鏤雪冰三尺荷  
氣分香酒一筒坐久不知人散盡獨留碧眼嘯  
王戎

孫鳳巢爛於射願賭米則往往不勝感而

賦詩

孫郎孫郎猿臂好少年技擅穿楊巧尋常落雁  
下秋空霜翎血爛猩紅小幕府懸金賭射牌胡  
為齟齬成顛倒嗟乎哉書生有命亦如此我從

旁觀心欲死昔傳太僕上長安公車徒老窮才  
子當時黃豚青雲見今日泥崩土委耳

較射大勝贈孫鳳巢

從前落魄笑劉蕢名士終當作冠軍縱復輸人  
寧幾日果然奪幟便空群金牌細字螭龍鈕銀  
版新紗翡翠紋我亦文場垂翅客青衫濕透總  
緣君射約五天皆中者得金牌二紗衣一襲自  
較射以來無全獲者鳳巢此日獨取之

偶作

望雨不登樓翫月不臨水譬如看美人但在閨  
閣裏溪上弄春雲浣紗有西子



因夢入蜀道謁諸葛丞相祠

蜀道何緣入夢奇千秋遺廟有殘碑金鈴露咽  
中原淚石版苔封古柏詩破瓦藏巢新燕雀斷  
雲護壁舊旌旗一鞭瘦馬西風裏痛哭荒山落  
日時

童子搏有以小僮分曹相撲為戲者每有不勝

主人輒痛箠之窺其意似為練勇習力  
他時可致用者何其愚且妄哉余規之  
不能止為作此詩

兔養不成虎鉛鑄不成刀物各有其材相強徒

勞勞嗟哉童子搏死士責兒曹一搏血糝糊再

搏暗悲號威重主人尊命賤如束蒿遍體成瘡

瘡十處九敷膏兩家爺和娘偷覷心忉忉辛苦

終無成枉損皮與毛

較射大雨效李賀體

黑雲欲墮騎風來衆靈驅怪踏轟雷雲中下視

天吳吼當空龍血彈鵬口金墓吐霧撐天昏腥

涎掛樹青螭走下界何人學射潮一發萬弩排

強手千年死犀角猶神鏃銜石火照群醜錢塘



江牛渚磯漫言異事古來稀  
啾啾戰退遁風姨  
羲和叱日上高旗

雨中較射不止已復晴霽

天與月夜

種卉滿層欄得月即好景  
空明積水虛冰壺貯  
秋冷物態百不齊  
入夜無醜影  
頽此草木輝  
靜立似深省  
一息滋清華  
元氣返枯梗  
微風動竹魂  
睡意牽不醒

雨夜

愛綠種芭蕉  
愛影治竹圃  
蕉葉成陰竹滿欄  
却愁卧聽黃昏雨  
橫打輕彈  
搥斷魂似向愁人訴

幽苦中宵起  
立心茫然滿庭積霧  
濕寒烟開匣  
試取并州鐵  
為我所蕉伐  
竹使雨不得肆狂顛  
嗚呼蕉可忒  
竹可裁  
誰能禁雨長  
新苔又怕明朝  
可憐色青青  
吹上小簾來

雨後書蕉葉

萬綠沉沉雨過時  
客窓酒盡罷吟詩  
一枝竹影石林冷  
滿注花香寫楚詞

醉

不是尋常費酒籌  
昂藏故縱一壺秋  
橫江山色連天影  
伴我高眠百尺樓



大客牕晚坐  
消盡黃昏酒一觴  
客牕無事不清狂  
風傳鶴唳  
敲疑瘦月到梅花影也香  
略寫情懷詩草草  
小塗烟水墨茫茫  
石鑪細藝檀牙冷  
新註離騷續九章

舟泊滕王閣下贈沈恪亭太史

芙蓉殿裏謫仙郎  
帝子樓分御苑香  
縱向塵中駐旌節  
多情猶愛水雲鄉

鄱陽湖舟中作畫

便將岸上廬山影  
搨入白藤抹數行  
歸去山齋

糊破壁墨梢濕處  
看湖光

江水注研

片石伴孤囊  
落魄隨千里  
書生肉食難爾亦飲

江水

晚泊三山

客路停橈處  
江邨泊石磯  
圓沙群雁下  
野寺一僧歸  
雨歇山容靜  
雲殘夕照微  
每逢好竹樹  
便欲叩柴扉

風雪舟中憶同社李伊村諸友

凍雲屯雪壓黃昏  
兀兀蓬窓無一言  
天末弟兄



千里雁燈前談笑五更魂草堂古樹梅初發老  
甕新蕪酒半渾可有慈恩寺裏夢也知飄泊在  
江邨

石鐘山  
我聞大江以南富山水小者連嶂大千里又聞  
南中人巧窮天工依山樓閣架玲瓏今年來泛  
江南棹相逢殊失當時料江山雖信美面目失  
真多樓閣徒金碧煙霞無薜蘿嗚呼始信人間  
山水有真竒一經斧鑿成瘡痍此行惟見雙鐘  
好混沌猶存太古遺一片寒烟老樹疎幾箇渙

翁着釣磯

飲酒不如沽登山不如望大都人意移多在遙  
相向石鐘之山雙鐘峙千年遺跡傳蘓子我來  
停舟兩度遊崎嶇倚杖窮山趾入山反無山亂  
石衝脚起危徑垂荒茅層厓浸烟水巘壑雖竒  
耳目埋一枝一節無全理請看徙倚尋常處昨  
日蓬窓如畫裏

舟中夜望  
江天霜冷練光澄蓬底推窓一暫憑隔岸人家



烟在竹鄰船簫鼓水圍燈浪花白散千灣月渙  
火紅連十里曾中有南來飄泊客微吟苦處獨  
難勝

且日返泊西梁登天門峰戲題  
石尤返棹泊江灘獨嘯天門一倚欄莫怪江風  
不放去山靈詩債未曾完

讀李太白天門銘刻石

荒巖苔爛霜花紫寒山石出枯藤裏千秋名士

李青蓮錦袍弄月騎仙鯉當時遺墨落人間天

門奇字照江水去此四十里為采石磯江水澄

即太白錦袍弄月處

澄萬古心由來相賞幾知音摩挲洒淚下山公  
雪打殘碑結凍陰

怒吳閣有引

閣為漢前將軍閔侯祠在西梁絕頂上

全東望大江政紫髯公躍馬橫戈處也不

知誰何題此亦頗解事

將軍遺廟枕江流千載吞吳氣未收試看拍天

東去浪鳴鳴猶帶漢時愁

江行

愛此江行好烟波觸處新岸移山送客洲近鳥



呼人蘆折垂殘雪冰開出斷蘋時從蓬底望萬里豁精神

東去夜泊

古木荒烟野寺前荻花吹雪雁橫天幾鐙渙火千湾月一覺蓬窓自在眠

金陵晚眺

落日金陵客棹過憑高滿眼舊山河六朝甲第餘金粉三殿衣冠想玉珂燕子磯頭殘雪盡鳳凰臺上暮雲多當時霸業成灰冷賸有荒烟長薜蘿

江霧

昔讀雲林詩我愛漁人隔烟句

倪雲林題畫詩有卧聽漁人隔

烟語之句昔讀襄陽画我愛烘雲縹緲之烟對今日

滄江卧曉天詩也画也約吾前款乃一殺破烟

去清人菟亭亦仙仙

渡黃河

大塊有奇觀泰嶽與黃河非閑邛壑事天地直色羅不敢憑陵渡端宜慷慨過浩然通造化何處說烟波

辛卯



辛過安邛留別張卯君昆仲即題春岑間壁  
郭外長河野水秋斜陽驢背到安邛殷勤一榻  
春岑閣絕似山園桐子樓  
卯君精篆印及八分書晚坐出  
其家藏漢碑數十種相賞夜分  
始告別  
晤去

漢代相看隔幾塵殘碑讀公尚通神知君心骨  
成金石不作黃初以下人

贈張申仲

申仲出印譜見自  
言所藏近千餘顆

岫嶠殘碣嶧山石摩挲相賞坐當窓始殺君家  
太無賴赤蚪金螭五百隻

贈張亶安

亶安許以鐫  
印易余畫筆

君家鈔篆開山手我亦塗鴉愧未能肯把寒山  
一片石換我剡溪五尺藤

壬辰

哭安邛張杞園先生十二首

客路渠亭拜主臣

余由濟過安邛  
拜先生於林下

荆州初識便

情親當時病榻殷勤話青眼相看已故人

余生平僅

一見先生即在病劇謝客時聞余至乃呼入卧  
內從被褥中執手絮絮作器望語至今每一念  
之輒為心碎

默

二

蘇

不

支

林

薛

曾

書

少



想象鬢眉痛不勝支林病骨已峻嶒攤書小隱  
烏皮几似畏輕寒擁紫綾

三 別來心醉坐春風小草常思寄藥籠何事修文  
天上去龍門好在碧雲空

四 桐陰清晝客重來桐陰清晝先生齋閣題額小閣踈簾竟不

開惆悵隔牆雙樹在亂紅飛雨洒莓苔先生所居齋前

庭空日白斷紅零亂而已

五

春岑閣上重留客入夜猶聞杖履聲記得夢回  
成痛歎碧梧蕭索月三更

六

珍重奇書四部文當時相贈痛諸君知君兄弟出先生渠  
見贈脫手惘然集祇今檢點渠亭藁每到情深  
便欲焚

七

半世文章報所知可憐一傳竟無期先生生平  
朋為性命海內碑銘半出其手及先生沒而屬  
傳無人此知君兄弟所為恫心也余知之而無  
如生歎之為濟南自失漢洋叟椽筆何人可屬之



先生與新城王司寇交  
最善時已先公亡矣

廬陵樊藉推前輩向我相看眼倍明  
兩度登堂羞欲死青衫落魄舊書生

九

庭下三株道各尊謂知君申已從雁序拜諸昆  
仲亶安也九原更結盟言在  
我有雛兒君有孫

十

滿眼傷心欲問天斷腸詩就哭重泉  
丁寧地下逢先子為報兒曹近可憐  
余時方以世務攪纏  
誤蹈機網故於肺腑

之交一  
寄痛焉

十一

一面真成千古心登林欲碎伯牙琴  
那堪執紼荒山踞衰草白楊伴苦吟

十二

枯腸搜盡尚餘哀一首詩成結百回  
投筆空庭月昏黑酸風吹雨打窓來  
癸巳

濟南道中有感

是歲設科以  
春二月鄉試

十年三走齊州道牢落春寒此束裝  
山界碧空



千嶂雪樹臨清曉萬痕霜疲驢瘦馬都無賴白  
髮青衫總可傷落日欲揮揚子淚荒城烟草又  
斜陽

自長山歸道中雜詩十首

家家門巷綴殘紅處處樓臺揚柳風忽憶渙洋

詩話裏清明消遣馬蹄中

余以清明日  
自長山起行

二

雨後新苗覆隴肥水邊燕子故飛飛潭花倒影

紅千尺遠樹烘烟綠百圍

三

姑姑鳩婦向人啼無數飛花爛作泥一段酒旂  
紅樹裏斷霞隔在柳橋西

四

溪上停車坐綠莎且來放眼一高歌林梢花氣  
浮紅出偏覺空濛遠處多

五

何處仙源入望中夕陽人立板橋東一天花氣  
渾成雨斜界山腰十里紅

六

不辨枝條不辨花連雲蒸作一川霞無妨立箇



龍源碣何處秦人不是家

七

小憇征車坐驛亭一壺村酒對山靈  
看他柳眼長橋外似為行人着意青

八

十里飛花五里鶯三分微雨一分晴  
臨歧莫問東西路只向柳塘深處行

九

春暖魚兒出水遊春花春草接溪流  
行行又過橋東去幾箇蜂聲到對頭

十

日日長征復短征恰逢客路是清明  
莫嫌到處停車住箇箇鶯花都有情

癸巳三月省試東還過安邱張卯君兄弟

番二十四日而別共得篆印三十顆作小

言二十八字謝之

為削芙蓉三十方君家兄弟及諸郎他年相憶  
梅花屋一片石前一瓣香

題張卯君篆印

硃砂萬斛劈芙蓉岫嶠碑殘出古封  
試看轉梢



成劫鐵半天雷雨掛春龍

戲題

神筆墨一孔不備一筆香

畫師美名三寸舌

右第一卷計詩七十一首乾隆甲子山人

自編十四首

東山先生

新東山

十日

南阜山人詩集類稿

湖海集類之二 第二卷

丙申 丁酉

高鳳翰 敬

戲題王石丈畫秋柳鸚鵡圖

石翁山水之好手生平不作細羽毛鸚鵡小

何來許偶然遊戲分餘豪垂枝古柳僵龍尾半

截偃蹇枯槎捐鸚鵡者三各含態神閒意靜秋

陰高上者俯首鳴下者昂首求其曹旁者欲就

宿啄迴頸縮脊翹翹儵然野趣成妙境羨爾幸

脫籠與牢嗚呼石翁之画不屑工寄意多在有



無中我聞昔日坡公賦五馬此詩此画將毋同  
畫折蘆一枝作水月夜景  
荻花影裏月絲絲菱葉如雲貼水時記得前年  
江上夜小漁艇外半橫枝  
新城道中  
秋禾如叢葦濛濛  
江船  
題王石丈米家烟景小幅

小屋次魚鱗  
樹白烟冷雲縫不盡處時出青  
螺影

題王秋遠菜花昼圖

城市有幽人嗜古苦無厭  
手出菜花圖邀我

題新縑硯繡蒼龍尾  
穎抽紫兔尖為嫌風日燥  
親起下蘆簾

拜先師渙洋公画像

絕代有偉人平生篤夢想時從冰雪文刻劃擬  
形狀不得登其堂十年拜遺象  
至是始得拜遺象於西城別  
聖時先生已歸道山六年矣  
憑筵涕泗橫泪泚  
眎難仰所願死有知地下負几杖

題雪谿詩思圖



不作畫圖開卷即下拜平生羹牆人十年此瞻  
對至人無死生精英番大塊何處覓詩魂冰雪  
梅花在

題荷耜圖

先生荷耜其神返頽意在後來高躅誰步

謁漁洋先師墓四首

不識漁洋墓頻從郭外求掉鞭遙舉處指點問

松楸

其二

下馬長林外朝霞帶樹明如聞松蔭裡拂石落

筇屐

其三

山斗人千古烟霞土一邱可憐身後事冷落亦  
風流

其四

欲去未忍去  
徘徊出墓門不及松下草長得伴  
詩魂

詠薜荔花詩戲贈王石丈

古藤覆屋走青蛇五月垂簷作細花落處玉痕  
青瑣碎吹來烟色綠橫斜聲傳密葉疑聞雨影



宵晴簾似綴紗怪爾偏能親画史也來供養作  
烟霞

歸途偶感

來當三伏常畏熱歸傍秋邊已怯涼竹帽寒篩  
當面影豆花風送上衣香渾無去住憑新好別  
有悲歌托古狂行到踞岐真欲哭人生何處說  
亡羊

三月九日李聖木先生招飲見可園賞藤

花

陵州三月花未成見可園內藤花生主人折花

招狂客我來一笑隼眸青下馬摩挲詫竒古根  
蟠僵帟捎龍騰烘雲紫艷日失色四圍直下垂  
幘幪座中海客酒耳熱忽驚蛩響來潮聲脫帽  
濡頭更酣戰仰天一引隼巨觥須臾月出照積  
水一庭荇藻紛交橫叱奴滅燭坐當院琉璃影  
射珊瑚屏如此清宵如此地此時不飲真無情  
直教漏盡月全墮不辭歸馬乘船行

題画雨中叢荷

前年客明湖披涼坐水檻湖中山雨來遠勢疑  
集霰頃聞打葉聲萬柄花爭顫譬如看美人簾



幙重增艷仿佛有無間輕紗不隔面作画聊贈  
君一笑如將見亦坐小澗臨中山雨來遊楚錄

雪竹雨中蕭尚

積雪壓寒稍稍稍稍弄雪影淡月出流雲照見冰  
魂冷贈山中人交謝地成與澗坐當輝  
道逢山中客下馬牽客衣不為客衣好山色有  
餘輝

題畫雪石

古苔繡魚鱗斑斑出殘雪上有鳥跡書風吹半

明滅

九月九日飲菜花屋述懷贈歷長秋遠兩  
好友

人生有佳節寒食與重陽

東坡先生有云人生佳節惟寒食重陽不

可虛胡為秋思惡年來多感傷去年此日憶客

遊去歲秋與兩君別去東今年此日復從客遊

憶故鄉鄉思客情無時已到處明月人千里安

得移家住錦湖數與君輩共卧起不然我賦招

隱篇招爾同耕海上田耕田多種陶家秫年年

此日相與大醉海風前奈何我不能來君輩復



不去空對佳節愁日暮愁日暮芳悲天涯丈夫  
何處定為家白雲紅樹好秋色且復笑語恣喧  
嘩清尊滿引持紫蟹間愁分付東籬花  
十里秋山踏暮寒山中人住萬楓丹我來一笑  
忘客脫帽當門索畫看

其二

奇兼篆隸王黃霍潔比梅花揚補之  
水心兩先怪道世間番不住烟霞骨相太離奇  
生畫甚富  
兩先生傳  
其羽化

其三

讀畫看山對落暉清光洗盡客塵衣不須更作  
人間別流水殘霞送我歸

題畫池上芭蕉

池中荷葉倚風敲池上芭蕉帶露垂一段綠陰  
渾不辨月明人靜納涼時

又續池塘夢重來十九年

向從先君子客湍川  
時與賓谷兄弟共硯

又續池塘夢重來十九年  
席三年及至再過  
屈指已十九年矣  
當時兄弟意寒栗每相牽鬢  
鬢竟如此情懷各愴然不須太惆悵人世本桑



田  
韓雪占贈我木瘦古枕意來衆  
怪木出寒巖幽人掘山骨非閑巧匠鑿竅不憂  
條忽剝蝕番天倪蟄龍之所斲或如掛孫崖或  
如蟠蛟窟或如枯槎枝愁眼棲飢鶻主人寶十  
年出省驚突兀貽我歸山房石林委晞髮太息  
三摩挲高誼惧或汨不敢擲俗兒壚頭作楫拙

大醉早行途中有感作

早行忽被酒衝寒涉長途落月西南峯鷄聲出  
遠墟霜色逼曉寒行人冰在鬢仰空一吐氣浩

然凌太虛垂囊五岳遊昂藏空丈夫四顧天地  
寬何處着腐儒

傳神歌贈金殿衡

人生面目各有真好醜肥瘦非所論千古解人  
惟坡老就燈摹影妙入神神不在形在其意最  
是鬚眉閑生氣眉後三紋頰上毫斜飛眼纈隼  
額高必有奇情具別解妙筆始許圖人豪不然  
皮相無生死縱使極工一匠耳世上紛紛刻劃  
多木雕泥塑亡其理山陰先生真化工殿衡山  
陰人  
傳神能與神潛通昨日圖我山中雪鬚眉布置



真不同感君意為君歌落魄相逢奈君何君已  
生白髮我尚隔青雲三十強半猶如此男兒志  
已負終軍安能番爾凌雲手貌取他年閣上人  
鑿硯復鑿硯混沌番真面天地有至文常于大  
璞見我有硯石渾天成欲鑿未鑿費經營隨行  
五岳不辭遠今來始得安邱生安邱徐生真好  
手仙窟靈芝同閃鈕發囊出硯倩生鑿小銘八  
字跳蚪蚪生為鑿硯我還為生歌鑿石慎勿鑿  
天和硯成一日三摩挲生芳硯芳而不磨天

戊戌 己亥 庚子

二水巖下成小憩

二水真奇絕飛巘得石梁乍疑前路斷又入水  
雲鄉晴日自雷雨陰崖生雪霜掃苔成暝坐耳  
目果能忘

三水易索駝石為定僧峯

三水峯尤怪天然古定僧禪機雲冥冥骨象石  
稜稜破衲合荒蕪龐眉引瘦藤何年占此勝跌  
坐悟三乘

鷹阿磧



削壁千尋立鷹阿識舊名石花披錦爛雪竇射  
雲明古鶴盤腰下仙葩匝地生何當荷長剉巖  
下劖黃精合煎補氣使與穀同平古州相起  
三木魚鱗口者瀑布澗水從天下奔流萬派喧跳珠薄木表飛雪濺  
雲根寒欲生毛髮清真洗夢魂時逢採藥者或  
恐是飛源

題巨峯白雲洞戲用初體

巨峯峯下白雲洞冷冷石竇生陰寒我來探竒  
當四月洞門小立已呼冠白雲屯海望不極群

峯下眎夫嶺屹何當披髮掃人跡手招鷄犬白  
雲端

華嚴庵

為門華嚴海上行仙山樓閣眼初明盤空磴折  
松為檻跨海峯攢玉作城孤堦遙連潮色動危  
巖倒看澗雲生不知下界通何處一踞烟霞接

上清

上清宮  
道院名

贈山中何老

野人有何老世外舊山家九折當門水千重覆  
屋花問年失甲子話客但桑麻何日成鄰叟峯



頭共紫霞夫甲行誠客時暮雁歸日如猿更  
望入白雲洞海望水高山家望此神宮門水千重  
中原地盡處大麓接洪流日月浮終古乾坤沒  
一漚渾疑通八極何處說滄洲想見魚龍夜潮  
殺捲石樓雲土不西不界匪何處一說賦霄  
登巨峯絕頂望海中生雲慨然作子虛  
海中生雲如擘絮千堆萬堆雜魚龍魚龍出沒  
不可見但見雲浪相空壅漸首捲起障天半下  
界忽失青芙蓉我來獨立層霄上以手捫雲雲  
盪胸倏然雲破露薄日霞縷細射紅玲瓏五色

萬葉開瑪瑙錦棚下覆鼉鼉宮四山明晦者不  
定轉眼變滅隨飄風嗚呼世間萬事皆如此劃  
然一嘯海天空

山下家見黃鸝二首

絕嶂下黃鸝立向窗前樹當窗時一鳴飛入松  
濤谷

其二

翠巘千松合黃鸝無數飛綠陰啼不盡銜得白  
雲歸

己亥大松山石門寺



遊大珠山石門寺

我屋城南村遙與珠山對携書卧北窗時見浮  
空翠不知何峯雲中隱石門寺吟望結十年今  
始得一至下馬攬古藤仄徑披荒荔玉泉壓竒  
峯蹲獅如作勢玉泉在寺外石門下象石留遺  
獅子峯在對岸東北題古苔剔綠字石上有王無竟先生題卧象  
二字字大徑尺八分絕蒼古鐘  
靈不以鳴象物妙得意無竟先生有改癩石為  
峯詩甚佳上句即用其  
全入寺見殘僧寺久圯僧建  
德近始葺之畱客殊解事餉我  
老瓦壺頗不為拘忌拂蘚坐殘碑滄桑勸遙思  
把酒懷古濃山風吹成醉振衣臨崇岡目眩夕

陽碎迴望向所居青濛但一氣

庚子

元日客張邠君齋中早起口號

客榻無勞問歲華  
聒人爆竹夜家家  
起來渾似西亭住一樣寒窻凍墨花

贈張邠君奉謝除夕為余作南村草堂圖  
並乞寫其杞城別墅於後作合卷

故人家住揮金里高節無殊管子才此日相過

誰載筆大書重記邠原來讀安邱邑乘有書邠  
原來注云訪管寧也

余亦嘗願附先生不朽故云



初試屠蘄客裏春故園却得画傳神大家共醉  
新圖下何必南邨不主人

三

蒼烟入夢見雙流

先生別墅在汶濰兩川交會處故李翰林漢村先生有句

云復流入海化蒼烟

幾度懷人海

月秋海余家爭似畫中三尺素石

尺素石鰲館接峽雲樓

石鰲館余齋名峽雲樓先生別墅勝處也

四

縮地仙人果有方筆精墨恠絕思量不須更覓

壺中訣一束溪藤兩草堂

題張卯君行雲送懷圖

我題卯君象三年筆不下

此圖自丁酉命題至此始得削稿 譬

如臨勁敵千金選刀馬勁敵易却詞難工此君

意氣真不同但從皮相不可得拖沓毋乃村中

翁別有千古藏清照一雙秋電眉間瞳少年海

內傾肝胆得從名父恣遊覽六朝松下弔殘碑

金臺石鼓摩蒼蘚祇今老去歸閉門惟從筆硯

課兒孫有時舊遊追眼底為寫小照托行雲托

行雲芳有所思江南江北月離離後來欲識先

生面認取平原一段絲



主山積雪凝寒彌月不已寫客懷

牢落悲為客天涯風雪多陰霾天地意不測欲  
如何歸夢連雲凍鄉書計日訛五噫空有作不  
敢向人歌華蒼藜林令去歸問門郵外筆所  
客中觀賑有感  
荒政詎無策流亡半死生參差鄰縣計張觸故  
鄉情時事恐難料天心殊未平杞憂真自笑撫

劍意怛怛

贈曹十三幼旬十三巨源兩弟  
懶散廢將迎新交得弟兄白眉隼國士青眼兩

心盟咽淚傾肝膈忘形托性情相遭貧賤日感  
慨未能平

二

出處真無賴相看意重吁我方厭妻子君亦困  
生徒白髮愁難放青春酒可呼傷心同潦到生  
事太泥塗

三

春風沁心骨秋水浣精神玉樹連枝好同行照  
眼新如何相向意直欲作三人為爾懷兄弟翻  
嫌義氣真



四

四十吾將及韶華屬二君况當壯盛日材氣更  
軼群跌宕徒為耳優游空復云相期各努力白  
髮誤青雲

打魚詩

雪消春水漲濠平濠上人喧集網散首到收網  
齊得意一時氣奪海門鯖

二

三兩人家自水涯短牆挿柳當編籬長竿隔屋  
懸漁網小婦當門守釣絲

三

非閑破浪捕鯨鯢頑甲殘鱗太不支累殺蛙兒  
同入網可憐並不問公私

四

風台小占五陵春風台南廂勝地城市居然絕四鄰  
飛盡飛花自流水客來渾不見秦人

五

海上曾經釣巨鰲月鈞風線海天高於今客路  
愁蕭索尺水纖鱗亦自豪

六



偶尋春事到漢家柳漸成絲草漸芽更與春期  
二十日重來腰笛問梨花

阿三傳語來為道相思苦相思可若何刻字滿  
園竹我亦托行雲春陰壓城綠

經年約素斷雙魚寫寄幽花當尺書為報菜花  
亭畔客近來老筆漸能疎

九死空餘骨尚豪聞君生事亦蕭條艱難畱得

南村在好為窮交慰寂寥

為好友王歷長題蕉雨廊卷子

束髮事讀書嘗以文自快年來意興闌到處欠

詩債前日畫象題郊君三年鞅線抽無賴昨日

騎馱西下復過長白好友蕉雨廊主人下榻開

中堂臨風三讀蕉雨卷指點索詩笑舉觴云是

此詩是乃乙未之所許屈指計之六年強前塵

夢影追往事瞪目相視如望羊為君作詩尚如

此年來心事可知矣搦管不須更窮搜但誦樊

川孤客耳杜牧之有詩云一夜不眠擲筆一嘆

孤客耳主人意外有芭蕉



蕉陰涼新綠橫窗淨如水

此平題画菊寄黃昆圃老師

崢嶸師席雲生頰牢落門生雪滿頭慙愧臨風

寫桃李蒼烟却寄晚香秋

題畫古木叢篁寄孫莪山老師

老木鱗皴繡古苔飽經風雨是栽培可憐棄置

荒山裏一盼誰邀大匠來

為徐守戎題画松鹿

聞道山中射虎歸尋常颯血滿弓衣如何偏愛

食芝客畫裏長松學息機

畫二喬菊花

銅雀荒榛久寂寥漳烟春草自蕭蕭却憑幻藥

翻空想別遣秋風嫁二喬

畫竹

画竹忽憶家園竹以別清陰自閉門記得年年

三四月櫻桃風裡看龍孫

客齋晚坐贈井眉一

夜涼風露下庭柯對酒為君慷慨歌天末兄弟

羞馬齒眼前蹤跡愧漁蓑青萍氣壯初開匣白

壁人高不受磨珍重隻魚藏尺素迢迢莫斷瀉

原存作慨概



津河

時方同客安德約其從此常通問訊

孤客禹城入夜風雨大作晨起作詩題店

城下

龍蛇大澤思千古風雨中宵會九河此際禹王城下客無端飄泊奈愁何

陵州九日振河閣登高八首

振河高閣逼黃樓公子邀賓選勝遊

是日為州守艾公見

招落日雲山千里客西風砧杵萬家秋窮途未

便依巖武竒氣誰當識馬周欲揮黃花羞四海可憐空白野人頭

二

危樓百尺抱寒汀落葉蕭蕭倚暮聽岸隅斜陽

林氣紫城臨秋水市烟青翫麟別自成今古磊

塊何曾問醉醒惆悵故園誰載酒黃花閒煞竹

西亭

余家亭名

闌未三

凭欄一嘯俯長川萬里蒼茫接暮烟時事全拋

東水去帝鄉空指北來船夕陽人語黃蘆外孤

客秋風白鴈前何計可能酬令節獨搔短髮問

青天



檻外驚沙撲面黃將軍跋扈太飛揚是日空教  
落木悲江閣未必揚帆送馬當亂捲塵霾烟樹  
改平欺湖海布袍涼可憐妬盡登高眼遮斷鄉  
関未許望

年年故國登高處萬里天風醉海門雲駕螭龍  
招白帝潮驚風雨送黄昏人懷漢代田橫島山  
擬華峰玉女盆自余家里門望勞山如迴首那  
堪飄泊日却彈短鋏對吟尊

前年此日桓台踞留滯西域客菜花丁酉九日  
在新城王  
秋遠菜  
花居小案風簾間點筆荒亭石鼎戲分茶香  
尋菊逢吟黃葉情托行雲送落霞好友相看真  
澹宕一灣秋水賦蒹葭

小壺城裡亦黃花何必西亭始是家擊筑難辭  
燕市酒登樓好賦楚江霞黃龍青雀千帆出雲  
碧霜紅萬樹斜獨倚西風成極目不須哀怨入  
清笳



憶盡山居與客居在勞佳節費躊躇風塵何事  
悲鄉縣消息惟堪付太虛高會擬傾黃菊酒瑀  
盤且盡錦鱗魚人生一笑真難得莫遣堂堂歲  
月除

題九日東籬圖

晋家老處士間靜愛東籬對菊忽思酒悠然偶  
得詩野雲無礙處落日獨傷時別有看花意秋  
風恐未知

九月二十四日一槐居看菊

重陽已過十五日草堂大看菊花開深黃淺碧  
香亂發月白霜清雁乍來是處杯酒亦自醉故  
園從此不須栽夜深酌酌將扶去明日看花定  
幾迴

不快

四座忽無言風日淒以愴對酒不成歡菊花空  
滿堂丈夫貴乘時意氣奮飛揚安能久跼蹐守  
此春蚕僵舉目天邊雲秋色何茫茫

題畫鷹

公子鞬鷹盡錦衣平原狐兔日成圍何如獨占



秋風樹萬里雲霄自獵歸

歲暮夜雪有懷趙慎菴讀書北邨晨起却

此春寄四首

迢迢客枕夜雪色動寒空傳響分清析浮光上  
畫櫺懷人當此際幽夢忽相通親見讀書屋燈  
深火正紅

其二

辛勤勿太劇緩轡好長行鼓忌三催竭石須細  
泐平但教塵累盡自有慧心生一戰滹沱北終

推老將名

時慎菴將  
赴會試

三

聞道隣翁好時貽鷄黍多加餐良不惡談理定  
如何可許分賓客行當訪薜蘿隔籬同杜老取  
醉且高歌

四

連朝畫事急二豎苦相抗翻覺思空谷逃虛一  
息勞臘深鄉味重雪霽凍雲高客歲擬同守屠  
蘇共濁醪

畫石題辭二首

海岳竒峰久賞心應愁倒篋未能尋誰知借得



毛錐力不用侯家五百金

二

五岳峰中割一峯墨痕潑處濕雲濃圖成不敢  
多烘染怕有風雷起恠龍  
客中画荷  
家園池子久荒蕪画得長荷客興孤渾似山陰  
田水月如盆大葉想西湖

右第二卷計詩八十九首乾隆甲子山人  
自編

南阜山人詩集類稿

湖海集類之二 第三卷

辛丑

高鳳翰數

六十六松書屋歌

六十六松如羣龍見可園內雲洶洶我來看松  
費摩挲一一形狀恣搜窮一松當門老龍鐘一  
松禿尾穿晴空前者兩松夾石峙拄笏癡立雙  
南宮屋後一松尤怪絕偏袒左臂撐拳雄在庭  
者四隅者一意氣各欲相憑陵或如冠劍列朝  
伏或如孤鶴騫蒼穹其餘大小五十六兒孫累



累羅屏風我觀此松嘆不已百年閱盡一彈指  
松間老屋讀書堂舊業久傳隴西氏從前幾輩  
看松人都駕松風成鵲起祇今作客卧園中入  
夜書聲猶徹耳葱葱寒綠無改顏君家之興此  
其理為君作圖復作歌此歌此圖有時磨不如  
君家世世著書對松樹年年歲歲龍鱗多

三月二十九日陵州客舍自壽

歲月堂堂三十九風塵日作牛馬走丈夫老大  
未成名不如委向溝壑久今朝生日忽天涯春  
風滿眼陵州花陵州故人慰蕭索百壺為我排

煩嗟美酒百壺銀鑿落花前拇陣恣盤薄人生  
萬事皆亡羊惟有對酒差不惡對酒兮當歌擁  
長劍兮舞僂僂眼前意氣為君盡終奈千秋萬  
歲何

客懷對雨

生憎作客費追陪懷抱經時鬱未開花事空繁  
三月節酒筵深負十分杯他鄉歸雁銜心忒故  
國春陰送雨來惆悵山園好良夜天涯飛李首  
重迴

題古槐堂圖



南柯舊夢大荒唐說到三公亦渺茫何似先生  
閒把膝攤書來起午陰涼

新月乍來天色碧晚烟欲斷竹痕清浩然風露  
沉陰裡一杖閒拖踏影行

題柳村四時圖

雲英曾此飯胡麻村柳烟籠薄笨車一盃清泉  
出古井分明幾樹野菘花

二

披得清涼月滿蓑斷橋小立看新荷菱花香裡

鷓鴣起一道斜衝出棹歌

三

蒼蒼秋色隔人家遠枕城堤一帶斜何日叩門  
拖竹杖同來踏月看蘆花

四

凍合寒條綠玉肥舍南舍北雪成圍偶來野寺  
聞鈴語驚起山禽破雪飛

題画雪中怪石旁出雙鉤竹數枝

研結冰花筆欲僵画成怪石走寒銚却嫌雪色  
難飛舞更着當風白鳳皇



題倚鹿劍仙圖

太陰液真精煉氣以合道金英化白丸掌握不  
須鞘雲中仙鹿間何時下海嶠誰者為此圖靈  
跡留竒照求道不以形無劍當更妙  
東合再別趙氏八郎  
別淚為誰多刺心感孺子牽衣嬌不行願言同  
歸止不知歸路長迢迢一千里

途中憂旱登禹王台望東南雲氣

浩浩思洪古茫茫望大荒緬彼昏墊時大陸皆  
漭決疑有古蛇龍潛作冰絃藏我來歌雲漢獨

立憂心愴東南雲物竒黑蓋忽飛揚頗聞風角  
家候此占雨祥龍蛇如可起或得邀神康轟雷  
擊旱魃為我殺驕陽

過黃岡

驢背驚看萬甲屯黃岡岡上亂雲根分明八陣

盤龍虎只少江濤出沒痕

平陵城

城在濟南東七十里本五代石鼎  
所建學究過者多誤指為平陸城

石家霸業枉約更應識空成石虎城畱得一圈  
黃土在疑名祇好誤書生

淄河



古河濶十里石子白粲粲疑有飯牛人高歌不  
可見  
客途戲即時事  
老客窮途氣盡降此中寵辱久相忘漸從負販  
藏踪跡已變聲音作異鄉時許野人同貰酒不  
妨牧豎共登床道逢老賈頻相問奇貨何居惹  
大囊

題畫牡丹雙鈎竹

艷寫花枝作隊排揚家姊妹向天街當稍着箇  
雙鈎竹斜墮風前玉燕釵

龍江豬

矩尺河  
逆旅作

頽雲壓頂泥在途行人爭宿道旁廬道旁行者  
聞傳呼將軍催送龍江豬此物南隔千里餘何  
由遠致來海隅將軍北味厭刀俎異品思得遼  
東徒豬皆白頭而花將軍將軍弩力食花豬好為王師  
西擊胡吾聞西邊之粟如明珠時西邊方有兵  
事稅運甚苦

題張杞園先生浮家泛宅圖

我歌水仙操高風懷成連尋奇上海門異境將  
毋然詎知尺幅中引我蒼雲間遐哉張夫子雄  
據米家船枕籍富圖史宛轉雙便娟落花漬紅



雨淡墨流春烟柔櫓魚鱗波高歌明月舷何必  
鳥獸號汨沒駭心顏便擬筆墨靈化為真淪漣  
刺船隨徑去妙義或吾傳  
病起三首 時客安邱  
漸能扶杖起倔强過鄰家行飯欲出郭消閒時  
問花人烟淡秋色鄉思動歸鷗看盡盤雲陣空  
階手自爨

二  
二豎凌人太瘦生近來漸覺夢魂清乾坤不遣  
狂奴死又向西風作楚聲

三  
淡黃骨面冷婆婆對鏡俄添白髮多不用諸天  
同入座也堪畫作病維摩

臥病碎墨齋匝月小愈賦贈曹氏諸盟兄

弟

自昔人言異姓作兄弟此言空聞未敢知今日  
我卧客牕病曹家兄弟真有之曹家兄弟多龍  
虎我識其四如膠飴長者凡事得阿七一官曾  
令南海湄白髮平頭過六十飲食省我常親携  
次者吾弟有十一茶鐺藥鈿無時離或時有事



作小別旋如驚鳥投林棲更有兩弟十二三二  
常枵然如木鷄時時對我攢愁眉外冷中熱吾  
無疑獨有阿三共起卧早晚瑣屑皆扶持時為  
結襪與披衣宛轉調護如嬰兒嗚呼噫嘻人生  
兄弟有如此說感說報皆鄙詞白日在天天不  
移人間那有海枯時

病起贈張外君昆仲

十年舊雨接三張意氣公然托雁行湖海相憐  
容跌宕弟兄投分各清狂經秋伏枕淹孤客幾  
度關心到草堂白髮自慙無補報時時空熱九

迴腸

贈馬漢荀先生

荒秋客卧病高義見先生骨肉閑憂喜寒溫具  
性情不圖今日意得向古人傾無以酬知己為  
君慎令名

十月一日感賦

十月一日風淒其去家百里竟天涯松楸不省  
牛羊牧霜露空繁草木知水啣荒崗陵谷淚烟  
寒落日古今悲此情可怪成虛憶野哭穀中愧  
馬醫



古詩贈張邠君廣文觀城兼賀七十大壽  
十年識邠君曾未窺涯際是用何法門一切寄  
諸戲談諧固云然恭謹亦同致曼倩許掉詭長  
卿容慢世跌宕七十年世界看兒嬉昨日下府  
牒博士徵書至漠漠宦池雲千里接征轡願盼  
滑稽雄鬚眉想意氣負書招生徒騎驢指僧寺  
枯蘚別斷碑摩挲披荒蕪有筆携一囊吟詩常  
捉鼻看竹不問人題遍家家字頽然寄風流官  
亦無拘忌今年啟壽筵鄉曲頌愷悌爛雲集鴻  
章萬詞矜綺麗我作蚓竅敬譬之鴛追驥何以

贊先生三歎猶龍異

題王少尹脫帽圖

聞說京華地緇塵滾滾多豈知人外客脫帽自  
婆娑意與鬚眉稱才如造物何一官今老矣空  
自繞松哦

韓氏准節詩

人生有筆墨唐喪皆無俾惟於名節間權可爭  
國史要須是非真剽竊亦徒爾我來渠邱遊獲  
節得韓氏兩世女程嬰鬚眉羞男子再拜讀頌  
言歷歷畫掌指我能信諸君自知非溢美重以



古詩贈張邠君廣文觀城兼賀七十大壽  
十年識邠君曾未窺涯際是用何法門一切寄  
諸戲談諧固云然恭謹亦同致曼倩許掉詭長  
卿容慢世跌宕七十年世界首兒嬉昨日下府  
牒博士徵書至漠漠霍池雲千里接征轡願盼  
滑稽雄鬚眉想意氣負書招生徒騎驢指僧寺  
枯蘚剔斷碑摩挲披荒蕪有筆携一囊吟詩常  
捉鼻看竹不問人題遍家家字頽然寄風流官  
亦無拘忌今年啟壽筵鄉曲頌愷悌爛雲集鴻  
章萬詞矜綺麗我作蚓竅駭譬之鴛追驥何以

贊先生三歎猶龍異

題王少尹脫帽圖

聞說京華地緇塵滾滾多豈知人外客脫帽自  
婆婆意與鬚眉稱才如造物何一官今老矣空  
自繞松哦

韓氏雙節詩

人生有筆墨唐喪皆無俾惟於名節間權可爭  
國史要湏是非真剽竊亦徒爾我來渠邱遊雙  
節得韓氏兩世女程嬰鬚眉羞男子再拜讀頌  
言歷歷畫掌指我能信諸君知非溢美重以



里巷傳大義  
訇人耳  
吁嗟近世風  
名隨勢位起  
不見大官宅  
綽楔如擲比  
幽宮霜雪埋  
魂咽墓  
門水淚枯  
孝子心  
天闈悲萬里  
作詩貽後昆  
用  
告采風使

豆酒詩贈曹十一

新醅初試九螭卮  
索飲常嫌故出遲  
味擬幽蘭  
深貯處色如春草  
乍萌時不隨鴛語  
黃柑去便  
向梅花雪夜携  
寄語酒徒休妄想  
玉壺留待潤

詩脾

別諸故人後途中遇風



